


CHINESE - JAPANESE LIBRARY OF
HARVARD - YENCHING INSTITUTE
AT HARVARD UNIVERSITY
MAY 7 1940

32

T 3194/4634.85]

Faint, illegible text on a light-colored page, possibly bleed-through from the reverse side. The text is arranged in vertical columns within a rectangular border.



吉安府志卷五十七

哈佛大學漢和圖書館珍藏印

列女志

安福縣節婦

宋

彭雲翼妻劉氏歸雲翼三年生子應時未晬而雲翼亡守

節四十年楊萬里稱之曰貞節婦參通志

元

劉平妻賀氏年二十撫二孤守節養姑年八十終通志

王伯康繼妻謝氏康赴難戰死沅州氏年十九遭亂撫前

子苦節守貞劉翼南著貞婦傳據學志增

明

李福生妻伍氏年二十三夫亡遺腹誕子景白為諸生氏年五十七卒

劉宏仁妻李氏年二十三夫死紅巾難氏閉關事姑守節蕭氏三節蕭子羽妻阮氏夫卒養姑育子以完節稱子羽

族弟懋廣妻劉氏年二十撫孤芳既娶有子又死劉復撫其孫年七十終劉球為立傳廣從弟習敬妻歐陽氏

年二十守節阮氏見通志

謝惟淵妻劉氏諭德戩孫女年二十六夫死茹苦養姑訓

子夢鯨成立年七十神童謝節孫即其孫俱縣志

彭球紳妻劉氏紳贅於劉劉年二十二紳遊滇子一之生劉迎姑歐陽與居未幾紳卒攜子奉姑歸勤紡績以資

朝夕一之授涪州未任卒劉年八十終旌表

李存紀妻劉氏年二十四矢志撫孤年七十知府劉實表之大學士邱濬題有貞則堂詩

萬廷琮妻劉氏侍講球從女年十八琮卒子一歲復天立從子惟昂為後永樂間邑令程文德上聞建坊旌表年

八十三終俱參通志

彭子繪妻高氏有族人貌似繪繪乘其馬頂其冠歸仇者伺於道以為族人誤刃之時高氏年二十四鳴諸官得

理守節三十七年司成張文懿諭德劉戩誌而傳之通志御史傅應禎妾浦三姑事傅七十日以諫謫戍寧波海上

氏從行三年死余房寅為作浦三姑操採豫章書補

歐陽完一妻顏氏夫卒氏年二十矢志撫孤年七十卒祭

酒劉震有詩新增

歐陽時美妻高氏夫亡年二十七撫一孤大姑劉氏泣且喜曰吾二十九歲為未亡人幸長二男今又在吾婦乎年六十祭酒劉震傳之

王氏三節王倫妻彭氏子宜觀妻劉氏宜觀之子達妻李氏俱青年矢志彭年八十七劉九十三李六十一皆節而壽者祭酒劉震贊之曰三世同孀一氣久長誰領袖之淑德高堂有功於土有聲於鄉天鑒其貞曾孫顯昌

俱參通志

劉教妻萬氏事太祖姑以孝聞年二十七教卒生遺腹子

守節四十餘年縣志

劉嘉廷妻朱氏廸卒無子依於父躬紡績致富饒歸奉翁甘旨卒年八十六盡以所置貲產分授從子諭德劉戩

詩曰誰知舟汎鄘河後還有清風到里閭參通志

戴囊妻劉氏青年守節天順六年旌新增

周時發妻王氏年二十一通志作十九守節撫孤與大姑張氏

姑李氏三節共居紡績課子廳廊鑿井自汲成化二年

旌

王美會妻朱氏年二十守節成化間旌朱善積貲孤允祥從其諸父尚貞輸財助賦更表其門曰尚義俱縣志

伍極萬妻戴氏年二十一而寡撫孤守節成化間旌通志

貢生戴去別妻王氏夫卒氏矢志守節成化四年旌新增

彭紹文妻劉氏文死曾鳳韶獄劉年十九男騫漢始生勵

志守節卒年五十一縣志

吳觀凱妻王氏年二十三而寡守節撫孤子節官至祭酒

王壽九十二王文端直有貞榮堂記通志

劉蘭妻王氏年二十夫卒守志食貧終身有司獎之

王勲妻彭氏勲為諸生以勤學歿彭年二十四無子撫從

子境為嗣卒年四十五境奉遺命合葬勲墓

王氏雙節王簡妻劉氏王廉妻彭氏俱年三十餘守節簡

妻以兄子仕龍為後與廉妻年皆七十新增

王子宏妻洪氏年十九生一子子宏卒氏養姑訓孤年六

十二病危尚不以手示醫遂卒邑令閔世翔表其門曰

節孝俱縣志

伍希憲妻劉氏年二十八夫亡守節養姑教子宏治間旌

參通志

彭氏雙節彭勉恢妻歐陽氏恢為郡諸生遇盜死於水氏

撫遺孤守節弟勉恪妻伍氏生男師守甫兩月恪亡誓

與歐同守事上命有司獎之

朱日惕妻謝氏守節撫一男二女年八十同邑趙璜題其

堂曰貞壽泰和羅欽順贈以詩有過雨遙山朝翠合凌

霜高節晚陰長之句

胡冲妻劉氏年二十冲歿撫遺孤五歲苦節不渝年七十

終俱縣志

鄒氏三節鄒會春妻李氏年二十五春卒誓不改適會春
叔弟仕魯妻謝氏季弟具式妻鄧氏魯與式亦相繼歿
謝年二十九鄧年二十四並守節李年七十二謝鄧年
皆八十終餘姚王守仁表其堂曰三節正德間並旌通

劉氏雙節劉檐妻伍氏檐歿撫孤奉姑四十餘年孝節兩
盡御史陳行縣旌之又檐弟祺早世妻歐陽氏亦守節
劉資敏妻左氏撫遺腹男卒年六十家失火繪畫同貯者
俱燼惟遺像存

王遵宗妻謝氏宗卒於商杜門事女工令螟男收骸歸葬

年八十終

劉氏雙節劉煌妻彭氏撫孤墳守志墳妻周氏年二十撫

孤墳四十年邑令稱之曰兩世芳節俱縣志

巡道劉秉監妾紀氏臨清人劉分巡河南以忤權閹被謫
卒於舟次時紀方娠越三月花生紀年二十二抱花告

廟誓與孤為存亡督學黃旌其門年七十二參通志

庠生彭球妻蕭氏年二十四夫亡守節壽八十四終正德

間學使顧頤齊獎以節壽流芳匾新增

周梯雲妻許氏年十九夫卒煦在妊許訣曰娠男則生煦
生復訣曰煦成則生三歲煦嬰奇疾且禱且誓曰天不
壽煦婦以煦死疾尋愈卒年四十九正德辛巳煦成進

士自疏母節於朝嘉靖間旌志參通

邑庠生歐陽魯妻王氏年二十五魯卒矢志教孤俱遊邑

庠年五十五卒從兄都御史王且作誌銘

劉穀春妻彭氏年二十四穀春卒守節事姑撫孤年七十

二卒邑令陳曷虞題其堂曰賢節俱新

劉守善妻周氏年十八家貧無子紡績以終縣志

彭文孚妻王氏年二十五無子守節家貧孝養舅姑始終

弗渝

劉混洋舊志邑志妻王氏年二十七夫卒守節事姑撫孤

年八十三終俱採通

易德鼎妻劉氏年十九德鼎歿劉苦節不渝邑令潘濬臨

旌之

曠氏雙節曠芹妻雷氏夫歿撫孤琇婚娶有子琇平媳王

氏感姑苦節育子端竦有成知府劉佃獎之

蕭廷英妻彭氏文思孫女年二十四英卒欲殉之父以貌

孤慰之乃止遂守節萬曆間旌俱縣

歐陽燈妻彭氏夫亡氏年十九守節

顏氏三節顏月崖妻劉氏月崖早歲客滇土司欲妻以女

不從竟為所殺劉年十九守節撫孤卒年八十五顏且

妻劉氏年二十六夫亡守節壽八十五曾孫欲章中萬

歷進士疏聞旌表又欲章子有容妻王氏十九喪夫撫

遺孤卒育孤二子有成年六十終萬曆間旌志參舊

劉一五妻朱氏生二子一五館於楚卒氏年二十四親往
奔喪遇土寇欲辱之氏頭觸夫柩死拒遂釋去姑患氣
疼氏灼艾自焚虔禱請代病亦痊時長子五歲課之讀
次子一歲既長督之耕並克成立

太僕寺丞張寅妻康氏寅遠遊未娶所親有議改適者康
氏閉戶自縊家人救甦後寅歸完娶氏年已三十餘以
寅貴封安人詳見鄒守益墓碑文俱參通志

康務廉妻劉氏務廉病亟囑曰撫孤以存吾後吾無憾矣
劉泣曰敢有他志耶或利其有欲奪氏志氏斷指憤誓
之自是雖同居亦罕見其面縣志

王卿行妻劉氏年二十卿行卒有以無子諷之者往夫墓

斬指以血書石示志撫兄子梅為子鄒守益作著節亭

記參通志

王憫妻劉氏憫疫死孤汝良甫四月劉撫之守節卒年七
十餘侍御劉陽為之傳

王良相妻歐陽氏年十八夫卒姑老且病孤翰生甫七月
歐剪髮矢志勤女紅贍甘旨姑將終呼曰孝婦孝婦萬

歷三年旌俱通志

張瑚妻李氏年二十六瑚卒氏撫二孤嚙斷小指自誓迪
其子時進及孫堅俱成立卒年七十一邑令閔表其門
縣志

郭賢妻袁氏年二十四而寡誓志撫孤孤三十歿復訓三

孫有成年八十五卒旌表少宰周宋為立傳參通志

王正宗妻劉氏生子未及週正宗歿矢志撫孤姑病刲股以進逾年姑亡致哀盡禮年六十二歿邑令李世英表其閭曰儒門節孝

鄧才春妻陳氏春歿守志數年有周某密賄所親以計迎歸中道覺而求死遂縛置輿中至其家三日不食以死拒乃送歸終其節

朱達九妻王氏夫歿子四歲甘貧守貞有富室百計求婚割耳以誓卒年五十以完節稱

朱之瑄妻劉氏年十七瑄卒無子劉矢志撫從子為嗣事翁姑以孝聞會兵亂被執露刃脅之不從遂遭刃傷鄉

人見其目尚矐視昇歸飲以勺漿從刀痕潰出徐延醫藥得不死里人驚為神助年六十一卒

彭中夫妻劉氏侍御陽季女夫卒劉年二十六長子允甫離襁褓次凱方娠投地矢殉姑止之事姑與太姑惟謹課二子成名年七十卒

彭以識妻劉氏忠愍球孫女年二十生子光明識卒斬指封髮誓撫藐孤事姑養葬惟謹年八十二卒

周鼎洪妻高氏年二十四夫遇難死於袁陽鈴岡山無子女可守投繯自經以救得免遂翦髮守志俱縣志

歐陽評妻鄧氏年二十五夫亡守節安貧勵志教孤命師事鄒守益為邑諸生氏年七十九卒

朱諏妻曾氏年二十三諏疾卒長子在襁次子在娠氏矢志靡他苦節四十年孫藩餼於庠兩中副榜萬曆三十

三年旌 俱新 增

劉醮妻王氏醮從其兄講良知之學及卒王年二十四有異語者則曰夫欲學聖賢吾獨未能學節義耶郡守何旌獎之 縣志

鄉舉鄒美妻周氏夫早卒氏年二十九矢志督誨諸孤長德泳成進士為御史時建言罷歸拜庭下周慰之曰幸汝不愧先文莊吾復何憾以子貴封恭人萬曆間旌其門曰貞壽 參通 志

王和妾郭氏年二十九撫孤學吾守節事嫡劉氏甚謹卒年六十四羅洪先誌其墓 通志

劉以善妻王氏善死王年十八撫孤愷復遭祖父母舅姑喪艱辛備歷深居戚容族里頌之 縣志

蕭氏雙節蕭恂妻歐陽氏通書史恂死撫孤世瓘姑病湯藥必親年五十祭酒鄒守益著節壽堂銘表之年六十

詔表其閭從子世琢妻劉氏年二十五夫亡無子亦堅守

王良粹妻劉氏夫以運稅卒於外氏年二十五矢志撫孤歸夫柩葬於欽村廬其墓遂家焉年九十五萬曆間旌

鄒守益作節壽堂銘 俱通 志

王世昌妻易氏自分宜歸昌昌已邁疾奄奄十越月易侍

病衣不解帶昌死易猶處子獨處一樓不窺外戶四十餘年萬厯間旌見明史

邑令劉永妻朱舊志作周氏永以增城令卒於官時朱年二十

八二子方襁褓矢義撫孤卒年六十七

歐陽顯萬妻伍氏年十九夫歿遺腹子歿伍居守常以一

女婢隨不少離年七十終

按通志作伍顯萬妻歐陽氏未知孰是

劉遇詔妻楊氏詔歿楊年二十甘貧守節族主事元卿有

詩表之俱參通志

王肅妻左氏夫死家寒矢志事舅姑撫遺孤年近八十

左將禮妻蕭氏年二十一禮死撫孤隆智智與婦相繼歿

蕭茹荼育孫志益堅年終八十

王大賓妻劉氏年二五大賓歿劉撫孤教訓婚娶迄有

成卒年八十三卒俱縣志

彭建夫妻劉氏年十九歸彭數月稱未亡人飲冰茹荼終

其身萬厯十九年旌參通志

劉以員妻歐陽氏年二十三夫卒守節課孤三傑貢成均

年五十九終邑令閔匾以旌之縣志

歐陽介妻朱氏年二十三夫歿矢志守節卒年五十八從

子歐陽燭為之傳

劉門三節位妻康氏仕妻周氏俊妻姚氏康年十八而寡

周年二十四而寡姚年二十一而寡皆守節以終天啟

問旌俱通志

按三節廬陵縣志亦載今從通志

劉一飛妻彭氏年十九而寡矢志守節舊志

周行妻王氏行患渴疾歿子璽尚在襁抱氏力持門戶閱四世孀居四十餘載年六十七無疾卒

朱士選妻劉氏年二十七士選卒姑亦亡夫之祖父母在堂矢志終養並撫子國屏國翰及孫曾皆見其成年七十二終

歐陽啻妻王氏年二十六啻歿家貧事姑撫子終其節

彭萬鑑妻顏氏鑑卒顏年二十七撫孤子克家年四十卒

俱縣志

朱國璿妻劉氏璿歿遺二孤紡績課子終其身年八十龍

泉郭維經有詩表之

朱國俊妻劉氏夫亡以紡績養舅姑撫子鄒元標為詩表

之俱通志

鄒氏雙節鄒承明妻顏氏年十九守節十四年一日遘疾子世鑾世蘭招醫診視顏堅拒之蘭乃割股以食延一月卒夫兄亮明妻周氏年二十三夫死守節事姑盡孝直指使並疏其事建坊旌表

劉龍至妻歐陽氏龍至甫冠而歿歐奉翁姑撫幼孤惟兩老婢供薪水龍泉郭維經志其墓孤岱天啟丁卯鄉舉

俱參通志

歐陽燠妻彭氏燠為諸生早卒彭年二十守節撫孤直楷使屢褒異之賜絹穀

王門四節祖游妻陳氏游歿坐卧一小樓侍惟老嫗孤卒成名淑聲妻胡氏賜魁妻高氏覺侯妻劉氏皆年少守節鞠育承祀奉諸姑惟謹俱縣志

謝待價妻朱氏年二十守節壽七十孫廷敬奏聞建坊旌表通志

王藹妻劉氏忠節鐸女年二十一藹歿遺孤文度尚未晬誓志守節年三十五卒子文度為諸生搜其詩文遺稿十餘卷未及刻而死參通志

劉朝定妻康氏年二十五守節甘貧課子有成

劉氏雙節珽妻謝氏年二十珽卒謝守節撫孤鶴儕甫婚而鶴歿妻黃氏年十八撫從子心淮為後矢志如其姑謝年七十黃年六十卒邑令趙額以雙節流輝

劉氏三節士濬妻彭氏年二十五撫三歲孤如桂長娶周氏生子四齡如桂卒周年二十七苦節奉姑邑令舒匾其堂曰孝節雙高曾孫範九妻周氏年二十六夫亡子歿毀容垢面矢志自守人稱劉門三節俱縣志

劉吉德妻徐氏年二十而寡家貧井臼操作奉翁姑甘旨延師訓孤子渤領崇禎己卯解元徐年七十時山陰王思任壽之以詩有妻是孟光母是陶之句參通志

李維範妻劉氏年二十二夫歿矢志守節紡績自給年七

十六終縣志

朱家臣妻顏氏家臣歿二孤在襁顏嗚咽刺血剪髮納棺日手一縷為二孤朝夕計四十年以完節終崇禎五年

旌參通志

彭璵妻劉氏璵卒劉年二十九事姑撫孤孀居五十餘年

崇禎十二年旌通志

尹南紀妻劉氏壬辰兵亂尹死劉撫二幼孤俱婚娶成立

年九十八終縣志

王應梗妻周氏年十九守節撫孤養姑壽七十二旌通志

謝寶妻朱氏守節旌縣志

姚相魯妻歐陽氏適姚暮年而寡守節教子成名封孺父

旌新增

國朝

王其宏妻管氏郡守管象章孫女宏守贛州城陷死之管年二十九守節撫七歲孤謙言後舉於鄉初宏勤王事借資於親黨悉售遺業次第以償卒年六十二

鄧迪妻王氏年二十四夫死撫兩孤饑寒萬狀年八十九終俱縣志

儀部郎康元穗繼妻曾氏穗以天啟五年忤璫卒於京會年十九守節撫教藐孤拮据茶苦順治十五年巡方許

賜絹穀旌之參舊志

賀乘卿妻馮氏年二十九夫亡甘貧茹苦撫孤成立吳雲

為立傳新增

諸生趙其昌妻黃氏年二十七夫歿撫二孤成名長拔貢
生宗鯤次珙邑庠生守節四十七年卒年七十四

劉譽遠妻嚴氏年二十夫亡守節撫孤復歿課孫應廉補
諸生氏至老猶勤織紵

陳思吾妻王氏年二十四夫亡撫孤年七十卒舉人陳翹
為之傳俱縣志

王嘉楨妻李氏吉水李士齊女年二十一夫歿矢志事翁
姑以孝聞撫孤成名康熙三十八年旌通志

劉氏雙節淳修妻彭氏年二十六夫亡無子撫從子省為
後省為名諸生省堂弟志道妻王氏年二十三夫亡亦

無子矢志撫孤女康熙間旌參縣志 王氏見通志

康宗海妻劉氏志道女年十九夫亡無子誓守如其母王
氏

尹氏雙節通妻萬氏了明妻萬氏於萬為姊妹於尹為妯
娒通娶三月即客滇了明娶後亦遊學金陵先後相繼
以凶聞通妻年十六了明妻二十一時尹氏丁齒寥落
止遺一姪孫迪臣勤撫成立後孫支蕃衍副使劉以煥
以雙節旌其門

劉貽孫妻郭氏年十八舉一子貽孫遊學粵西卒於路氏
變產歸柩養姑課子守節以終

劉煥文妻歐陽氏年十九守節撫孤養翁姑歷五十載不

懈

歐陽氏雙節文彬妻李氏年十九守節績紝課子卒年六十乾隆八年旌垂紳妻彭氏歸紳五載生子三歲夫卒

亦守節撫孤卒年七十餘俱縣志

歐陽廷士妻劉氏年二十六守節撫孤七十歲卒新增

邑令高起騰繼室胡氏高令綿竹多亮節氏年二十守節

卒年七十五

劉信卿妻郁氏年二十守節撫孤有成年八十一終俱縣志

劉邦禮妻郁氏年二十六守節卒年六十

鄧三睿妻李氏年二十四夫亡守節撫孤子二女一孝養

舅姑和睦妯娌卒年八十一俱新增

王體仁妻彭氏年二十四夫亡撫孤年五十餘卒康熙五

十四年旌通志

郁士標妻趙氏年二十三矢志守節撫姪承嗣康熙五十

九年督學王思訓旌以苦節純孝匾新增

李右大妻蔡氏年二十二夫死於外撫六齡孤奔喪營葬

苦節四十二年卒

歐陽沛妻劉氏年二十二矢志紡績撫孤卒年六十七

李師靖繼妻彭氏年二十三師靖歿遺腹生一子撫之成

立卒年七十一

劉槐遜妻郭氏年二十一夫遊學粵西客死郭百計歸柩

葬之事姑訓子卒年五十六

王珂星妻鄧氏年二十三夫亡撫孤卒年六十三

諸生伍位森妻劉氏位森少聰慧十五補弟子員兩試鄉

薦復黜遂抑鬱成疾時劉年二十四守節以終

郁載書妻胡氏歸郁數年未舉子勸夫置妾年二十四夫

亡守志八十餘歲卒

伍承鎔妻劉氏年二十四夫歿遺三孤姑老家貧紡績孝

養年七十五卒

伍箕訓妻高氏年二十四夫歿脫簪珥課兒孫俱成名卒

年七十餘

王日立妻唐氏年二十五夫亡兵燹饑饉守節孀居五十

九年卒

伍涉待妻彭氏年二十五守節時長子六齡次子甫七月

氏撫孤有成年七十四終

彭氏雙節定國妻李氏年二十六夫亡無子撫從子受天

為後受天既婚歿媳劉氏年二十苦守如其姑

王氏雙節周亮妻朱氏年二十六周亮卒撫孤定泰娶劉

氏年三十定泰亡姑媳紡績自活守節以終

王天爵妻葉氏年二十六撫孤守節事姑尤孝年六十五

卒

王一望妻朱氏一望夜被賊遇害朱年二十七抱孤白夫

窳閉戶守節年八十二

周才華妻王氏年二十七居孀矢節撫孤鄉有窮乏者分

所餘周卹之五十三歲卒

恩貢張綱妻劉氏綱以廷試卒於京劉年二十九廷師課子季子淳乙酉鄉舉

劉思宏妻姚氏年二十八夫亡撫藐孤自守性好施濟焚借券修橋梁子拾得遺金立命還之卒年五十一

李小玉妻文氏年二十八而寡守志撫諸孤氏四十罹疾季子作枚割股和藥以進卒年八十三邑令贈以額

曰節孝媲美

劉宋生妻王氏年二十八夫亡守節撫孤

按王氏妹芷孀適永新湯堯臣應載永新列女志

劉廣巖妻歐陽氏年二十九劉客死於滇子時琮方孩歐

撫孤守節年六十餘卒俱縣志

郁展其妻劉氏年二十夫歿守節事繼姑撫兩穉甘貧茹

苦康熙六十年旌乾隆三十七年以孫邦基貴贈孺人

劉高梧妻王氏御史謙言女歸劉六載夫亡矢節撫孤四十餘年康熙六十年旌

劉夢祖妻黃氏廬陵鄉舉業孫女年十九歸甫三月夫歿

撫從子文晶為後夫兄弟之子俱幼失恃皆氏撫育有

成康熙六十一年旌俱參通志補

王子偉妻劉氏夫亡守節雍正二年旌新增

劉氏三節儀妻彭氏年十九儀以病卒無子氏鐫專心忍耐堅志持守八字於釧佩以絕來諷者年五十有三同

族尚錦妻朱氏年二十四守節世煦妻王氏年二十守節俱以壽終

袁竹芬妻陳氏夫亡年方二十家貧無子就食父家紡績自守

王藹生妻劉氏年二十而寡矢志守節撫三歲孤歷三十餘年

周姬三妻王氏年二十夫逝矢志守節事姑甘旨弗缺課孤有成年五十餘卒俱縣志

康宗文妻歐陽氏宗文以力學卒氏年二十五守節撫訓遺孤事翁姑極孝養壽五十六新增

彭象梅妻周氏年十九梅死氏撫二子誓守教之成立年五十三卒

彭飛華妻王氏年二十一夫亡子甫孩勤儉堅守以養以教以婚年五十五終俱縣志

王西威妻趙氏年二十二夫歿守節撫穉孝奉老姑夫兩妹皆氏竭力遣嫁壽八十餘終

劉大成妻金氏夫亡氏年二十四守節五十六載零都令王枚有詩贊之

李澡陬妻王氏年二十五夫歿撫孤接武振武俱入郡庠守節五十餘年學使沈旌以名門賢節額俱新額增

歐陽振孚妻王氏年十九振孚遊滇楚卒王迎柩歸葬紡績養姑延師課孤與諸叔年八十七卒雍正四年旌通志

劉配光妻王氏年十九夫亡矢志撫遺腹子孝事翁姑年七十一卒雍正四年旌

參通志

劉梁繼妻王氏年十九歸劉未幾夫歿奉老姑撫幼子有夫從第三齡失怙恃氏撫之如已子卒年七十二學使冀霖給秉心自淑之匾雍正四年旌

採學志補

劉國琦妻丁氏年十六國琦商滇客死丁歸其骨奉八旬翁備極孝養守節四十二年雍正四年旌

據通志補

劉斐泉妻王氏王天因妻劉氏俱年少守節各歷三十四年雍正四年旌

通志

王慶瞻妻彭氏歸王甫四月慶瞻卒越數月生遺腹子曠軼守節撫孤年七十三終

彭朱素妻王氏年二十三夫故守節無子祇一女母女紡績以供朝夕卒年四十五

周見寒妻王氏年二十四夫亡剪髮誓守家無立錐紡績度日撫二孤成立年七十二終

王燮友妻歐陽氏燮友商於袁卒氏年二十二守節養姑撫子年七十五卒

王鏞妾蕭氏鏞年七十四娶氏為妾生子孔傳越數年鏞故氏年二十六截髮盟志事正室鄒氏甚謹鄒歿獨力持家教子成室一夕無病而逝

王嗣軾妻劉氏年十六歸嗣軾生二子琥瑞珀瑞二十一嗣軾歿氏誓守節日事紡織撫二子成立六十時邑令

郭孫俊獎以松筠晚翠匾年六十七卒

彭宗廣妾郭氏崇廣卒氏年十九守節遺腹生一子調護

成立見五孫事正室鄧氏如姑年七十九卒

郁芬柳妻劉氏年十七歸郁二十三夫亡甘貧守節養姑

撫孤雍正六年邑令王鈞匾獎之卒年七十二

劉映渠妻留氏年二十二歸劉歲餘生子一月夫亡安貧

矢節侍姑病惟謹及歿售屋以葬身栖祖祠有奪其志

者抱夫主與子奔外氏復有奪之者旋返栖祠日勤紡

績營生子復歿卒年七十二俱新

周氏雙節瀚生通志無妻顏氏年二十四瀚生卒撫遺孤

懋覺成婚生一子孤歿媳王氏亦矢志奉孀姑撫幼子

顏氏雍正四年旌王氏雍正八年旌

顏令圭妻謝氏年十七令圭卒謝矢志撫兩月孤養葬舅

姑苦節三十四年雍正四年旌

王宏諛妻劉氏年二十三夫亡遺一子足不出外庭紡績

為朝夕資雍正四年旌

劉振墀妻朱氏年十六振墀卒朱矢志守節績絰撫孤卒

年五十雍正五年旌顏氏以下五人

劉虞裔妻王氏夫亡無子撫從子為後苦節五十一年雍

正五年通志作旌俱縣

劉斌妻吳氏 王澍妻劉氏 萬和妻周氏

萬一本妻蕭氏俱雍正五年旌通志

劉帝簡妻陳氏粵西人年二十一帝簡卒自粵西扶柩歸葬撫二孤鍼線糊口苦節五十九年

文德宏妻劉氏年二十二而寡藐孤一歲翁老家貧劉矢志侍奉賃舂傭紡績諸妯娌家旌

彭志祿妻高氏年二十二志祿歿事翁姑撫藐孤以終劉圖則妻王氏年二十四夫亡矢志撫孤紡績度日教子娶媳又為夫弟娶婦

謝斐石妻朱氏年二十三生子寶樹甫數月斐石商於虔泊舟溺死氏守節撫孤孤受室歿撫孫成立年六十餘卒

劉體元妻周氏二十一而寡孝事繼姑守節課子年五十九雍正五年旌

胡畏妻李氏年二十四畏歿遺孤二歲李紡績課子年五十有八

王藐妻康氏小范次女藐早孤贅於康宅生一子一女遊寓江南卒氏年二十六櫬還苦守子燕厥娶婦生女歿熒熒撫穉女孫以終

廖偶瑜妻王氏年二十四瑜客粵卒氏聞訃守節杜門紡績訓子錫蕃克家

歐陽頤妻王氏年十六頤贅王門生子結甫週頤歿氏撫孤守節年五十餘卒

彭紡策妻王氏紡策故王年二十六守節孝事翁姑紡績

持家撫孤有成年五十九卒

王飛瑞妻劉氏二十七歲居孀事姑克孝竭力撫孤年六

十五卒

羅氏雙節鼎懋妻陳氏年二十六而寡守節撫孤長子泗

友妻戴氏年二十七泗友卒守節亦如姑志

庠生鄧柱妻王氏年二十六夫亡忍死撫諸孤飲冰茹蘖

年過五十猶紡績不倦俱縣志

胡任宏妻劉氏年二十七而寡矢節四十五載雍正八年

旌通志

劉懷亭妻甘氏年二十三夫亡撫遺腹子守節糜粥養姑

自歎水漿或終日枵腹姑歿哀痛拮据喪葬如禮年八

十終參通志

張採妻劉氏

阮玘妻王氏

周四泉妻劉氏

周則文妻劉氏

劉濟清妻王氏

鄒秉吉妻顏氏

郭允恭妻劉氏

尹均彝妻王氏

彭月山妻周氏

李宜允妻劉氏

劉繼美妻顏氏

張淵妻吳氏

彭晉妻劉氏

王光桓妻李氏

謝和妻歐陽氏

劉邦儀妻彭氏

陳貫妻洪氏

胡槩妻王氏

劉瀾妻周氏

王孚惠妻蕭氏

王應爵妻彭氏

族孝廉嘉

光有傳

彭倫怡妻劉氏

趙美妻劉氏

劉魁禮妻高氏

王本幼妻劉氏

朱應光妻劉氏

郭躬闇妻趙氏

劉瓊治妻左氏

王德彝妻劉氏

朱繼龍妻周氏 李聯湖妻羅氏 彭君化妻王氏

王志恭妻周氏 劉汝桂妻周氏 王斐然妻彭氏

賀占勝妻劉氏 李在中妻劉氏 王振公妻劉氏

劉學松妻歐氏 李仕倡妻劉氏 賀文圖妻郁氏

尹樸山妻胡氏 劉漢孫妻桂氏 劉用宜妻高氏

王燦妻劉氏 劉大緯妻王氏 彭會清妻郁氏

周士魴妻歐陽氏 劉次玉妻王氏 周旦升妻劉氏

朱仍唐妻劉氏 朱英妻劉氏 趙枚卜妻劉氏

王報三妻劉氏 歐陽光繡妻劉氏 王晉妻左氏 俱照縣志

列名

吳世華妻劉氏年二十九守節撫孤卒年八十餘

王嵩訥妾劉氏嵩訥早喪偶一子媳生係柱廷方二歲子

媳相繼亡嵩訥年近六旬納家婢劉氏年十七未二載

而嵩訥亡時柱廷未滿四歲或勸劉氏去流涕曰我去

王氏斬矣日勤紡績佐朝夕後親見生二曾孫娶婦卒

年七十二

蕭映哲妻趙氏年十八歸哲二十四夫亡矢志守節卒年

五十一

蕭元輔妻王氏年二十六夫亡無嗣堅志守節奉養翁姑

撫育幼弟卒年六十餘

鄒法乾妻周氏年十九歸法乾二十五夫亡孝事雙親撫

二孤成立卒年五十八

鄒懋勳妻趙氏年二十六夫亡矢志守節奉姑訓子卒年五十四

管懷元妻姚氏年十八歸懷元二十五夫亡甘貧守節卒年八十三

管德青妻劉氏年二十七夫亡食貧守節撫孤成立卒年八十六

劉運妻范氏年二十五運卒遺三男一女里富豪以多金強奪之氏逸奔母家豪又率衆至氏毀容持刀衆驚走後撫孤成立卒年七十五

劉輝廷妻王氏年二十三守節撫孤成人卒年六十五
丁端容妻童氏年二十四寡居辛勤撫孤卒年八十

周孫藹妻李氏年二十六守節課子藹兄弟皆早世氏勤紡績養舅姑營祭葬卒年六十九

易須昂妻王氏年二十八孀居撫孤邑令梁學源旌以詩年六十三卒

李卞石妻周氏卞石卒氏年二十四守節孝養兩姑撫育三子年六十一卒

李邕獻妻劉氏年二十四夫故遺孤三月撫養成立受室歿氏孤苦萬狀沒齒無怨卒年七十五

左子陶妻王氏年二十二夫故守節卒年八十五

歐陽門雙節信甫妻彭氏年二十夫亡守節撫孤高四長娶俞氏生子克繩而高四歿時俞年十九繼姑矢守家

貧紡績以給姑媳皆壽終

歐陽震妻劉氏年二十六夫卒矢志家貧晝夜紡績事姑惟謹教二孤俱成立年六十三歿

歐陽蘭若妻萬氏年十九夫歿守節紡績奉姑撫孤成人年五十六卒

康烈孫妻朱氏年二十三夫卒守節孝事翁姑甘旨不缺氏父母無子并迎養供膳葬祭無違禮年五十卒

歐陽彥儕妻劉氏彥儕遊蜀卒劉年十九矢志撫孤家貧勤績紡事姑惟謹卒年五十九

易心泉妻劉氏年二十四心泉卒孤煥方二歲氏茹苦撫子成立孀居六十餘年卒

姚允文妻歐陽氏尚書必進曾孫女年二十二夫歿生子天賜甫一月矢志撫孤邑令張崇樸給以栢操松齡匾

年七十五乾隆元年旌

謝理繼妻王氏廬陵進士上選女年十八歸謝時理已病危王至卸粧侍奉湯藥理歿氏撫育前妻子女成立卒年七十八乾隆元年旌

李天裔妻周氏年十六適李越三載而天裔亡遺孤生未三月矢守撫育事老姑惟謹有姪婦新寡無依出膳田同爨亦全其節年八十四乾隆元年旌

周鳳池妻劉氏 顏輪偶妻劉氏俱青年守節乾隆元年旌

李臚詔繼妻高氏年二十四李歿治家勤勞撫前子如己
出後翁姑繼亡喪葬俱如禮卒年四十一乾隆二年旌

劉廷璵妻王氏廷璵卒氏年二十七守節奉養翁姑教子
成立卒年八十八乾隆二年旌

王東曙學志無東字妻李氏少年守節乾隆二年旌

周載呂妻王氏年十八適周載呂卒氏欲殉姑含淚諭之
乃止越月遺腹生男撫孤有成乾隆二年旌

劉蕃祖妻周氏青年守節乾隆二年旌

賀浩兼妻劉氏夫卒氏年二十三矢節全其四世乾隆三
年旌

賀天飛妻李氏年二十四而寡孤甫二齡姑老善病氏事
之孝謹姑病亟執氏手曰吾何以報爾孝婦耶乾隆三
年旌

劉端望妻童氏 王五中妻劉氏俱青年守節乾隆三年
旌

劉有楫妻張氏歸楫八載子邦光學志作光邦邑諸生生甫兩月楫

遊學粵西卒張撫孤守節卒年七十三邦光妻周氏年

二十一夫卒矢志撫孤孝奉老姑守節四十四載乾隆

三四年先後旌

鄧傑妻彭氏年二十六守節撫孤孝事庶母建支祠惠鄰

里治家謹嚴有法卒年七十五乾隆四年旌

鄒昌隆妻周氏夫卒氏年二十六守節撫孤秉焯秉煜成

立年八十九乾隆四年旌

朱搢妻彭氏舉三子而搢卒氏年二十六矢節撫孤俱成立乾隆四年旌

羅聲遠妻劉氏 王素志妻易氏 曾昇彰妻蕭氏俱青
年守節乾隆四年旌

劉似文妻羅氏年二十二夫歿守節撫再從子為嗣孝奉
翁姑卒年八十三乾隆五年旌

張世謙妻李氏年二十四而寡矢節撫孤事姑克孝卒年
六十六乾隆五年旌

歐陽幹遠妻朱氏舉子三而幹遠卒撫孤成名後夫弟乏
嗣命次子為後乾隆五年旌

曾大學繼妻羅氏 李堯文妻歐陽氏 劉朝元妻彭氏

劉瑞克妻王氏 劉公雅妻蕭氏 歐陽和妻劉氏

朱文孫妻彭氏 左季龍妻楊氏 李章妻歐陽氏俱青
年守節乾隆五年旌

劉象儼妻王氏年二十二而寡守節撫孤年八十五乾隆
五年旌

周協唐妻劉氏夫亡氏年二十四撫子栻於艱危中及見
孫曾年八十一乾隆六年旌

胡黃裳妻劉氏年二十黃裳歿劉撫月餘孤事繼姑以孝
聞年五十五乾隆六年旌

劉士莊妻留氏邑庠芳節女年二十四夫死守節奉姑撫

子有姪失怙恃氏翼長如已子孫甫嵩歲貢甫崗成進士任安化令乾隆六年八旬旌

劉似栢妻郭氏年二十四夫亡守節姑病割股以救孤成室歿媳周氏亦矢志守節郭氏乾隆六年旌

劉仲章妻王氏年十九夫亡遺腹生一子家貧砥節乾隆六年旌

陳謙山妻劉氏未及笄歸陳生子燕求九齡而謙山卒矢節撫孤孝養其姑卒年七十乾隆六年旌

羅容光妻周氏年二十五矢志守節卒年七十乾隆六年旌

劉懋德妻郁氏年二十四懋德亡氏矢志守節撫孤乾隆六年旌

周光綽妻伍氏 歐陽能靜妾彭氏 王宗高妻彭氏

顏廣德妻黃氏 吳幹妻顏氏 伍位生妻劉氏

楊定生妻劉氏 彭旦晞妻王氏 李生慧妻彭氏

顏鞠山妻戴氏 彭介矣妻孟氏 俞以清妻彭氏

顏肇州妻黃氏俱青年守節乾隆六年旌

王淡安妻張氏淡安卒氏矢志守節孝奉翁姑年八十乾隆六年旌

彭永鳳妻李氏鳳故氏年二十八斬指誓守勤勞紡績延師課子男彪補邑諸生壽八十五乾隆六年旌

李咏桃妻王氏年二十五夫卒斷指誓節撫孤成名事翁

姑克孝乾隆七年旌

彭章憲妻顏氏年二十孕三月章憲客東粵卒氏截指誓守百計奉夫柩歸葬姑病頸癱氏吮餒得愈訓子彥之餼於庠卒年七十一乾隆七年旌

王巨發妻羅氏年二十一而寡遺腹生一子撫教成立子亡立從子思任繼事翁姑孝謹卒年七十九乾隆七年旌

經歷鄒孔忠繼妻鄧氏年二十七夫卒斷髮毀容奉姑撫孤視前女如已出守節二十九載乾隆七年旌

李錫和妻劉氏年二十六夫卒厲志撫孤訓孫成名乾隆七年旌

李愈妻劉氏年二十五夫故立志撫孤長子疾不起氏又兼撫孤孫守節五十九載乾隆七年旌

康文載妻李氏廬陵人年十八夫亡毀容誓守撫藐孤奉姑翁乾隆七年旌

劉特儒一作達儒妻歐陽氏年十六歸劉生一女即勸夫納妾妾生子甫三歲夫亡遺腹又生一子氏年二十八守節撫孤若己生乾隆七年旌

羅士剛妻李氏夫歿氏年二十三守節撫孤乾隆七年旌

劉鳳翼妻蕭氏廬陵人翼授徒楚南歿於寧鄉縣儒學官署氏年二十七訃至欲殉念姑老孀幼勉裁以義託二舅攜長子迎柩歸葬翼崇祀郡邑鄉賢祠氏出績貲刊

崇祀錄姑哭子喪明氏舌舐姑目半月開視如常苦節五十年乾隆七年旌

朱衍周妻李氏 郭煥章妻梁氏 顏遠載妻王氏

彭合圭妻王氏俱青年守節乾隆七年旌

高士傑妻管氏翔麟長女年二十一夫卒撫從子繼綿為

後孝奉翁姑閨範肅然卒年八十四乾隆七年旌

蕭管妻周氏年二十四夫亡孤二齡矢志守節乾隆八年

旌

劉鳳客

紀畧作鳳客

妻歐陽氏年二十二守節撫孤事繼姑養

葬盡禮壽八十三乾隆八年旌

李半平妻萬氏李歿氏年二十一截髮誓守事翁姑養葬

盡禮撫從子承祀卒年九十乾隆八年旌

諸生蕭良璞

學志作良璞

妻彭氏青年守節事姑訓子各盡其

禮年六十乾隆八年旌

歐陽崑繼妻劉氏

王筠生妾文氏

陳瑤如妻劉氏俱

青年守節乾隆八年旌

王天哲繼妻歐陽氏哲亡氏年二十四守節前子文探與

已子文松並撫育有成卒年七十七乾隆九年旌

姚禹汲妻劉氏汲亡氏年二十四孝奉翁姑撫兩孤成立

卒年六十二乾隆九年旌

劉茂引妻王氏年二十六夫亡守節四十九年乾隆九年

旌

劉周建妻朱氏 劉靜安妻尹氏 彭文瑤妻萬氏

王嵩光妻劉氏 王福皆妻段氏 王秉信妻劉氏

王斯立妻劉氏 朱曰廉妻劉氏俱青年守節乾隆九年

旌

彭國瑞妻顏氏瑞卒於客氏年二十六姑老喪明氏忍死

事之姑歿時呼曰孝婦乾隆十年旌

王义安妻劉氏孝子勁亭女义安歿氏年二十四殮葬畢

以頭撞石幾死於墓孝事舅姑慈育子女守節三十一

年乾隆十年旌

郁飛洲妻謝氏年二十四夫歿矢志撫孤成立孝養翁姑

乾隆十年詳請旌獎

蕭翰垣妻劉氏年二十五夫亡守節年八十四乾隆十年

旌

劉大緯妻王氏 劉敏寶妻留氏 張懋增妻周氏

羅鼎懋妻陳氏 劉西瑞妻王氏 劉剛孫妻彭氏

劉素其妻彭氏 王西燦妻劉氏 朱洵介妻劉氏

劉有邦妻豐氏 康宗海妻劉氏 彭令然妻劉氏

康楷妻李氏俱青年守節乾隆十年旌

李拜廷妻蕭氏年二十三夫亡閉戶投繯賴救得免一子

撫教有成乾隆十年旌

伍仕昇妻周氏年二十七夫亡矢志守節乾隆十一年旌

周文林妻彭氏年二十六夫亡守節事姑克孝乾隆十一

年旌

劉發這妻鄧氏年二十一夫亡矢志撫孤家貧守節五十年乾隆十一年旌

王方晉妻游氏廬陵人年二十二夫亡矢志事姑課二子佑堯佑壤有成乾隆十一年旌

劉武森妻戴氏夫亡守節乾隆十一年旌
王孟元妻劉氏夫亡無子撫從子為嗣祖姑逾八旬甘肯

不缺乾隆十一年旌

李陶向妻陳氏年二十四夫亡茹荼撫孤恩勤備至年八十三乾隆十一年旌

劉必達妻謝氏夫亡矢志完操乾隆十一年旌

歐陽斌妻張氏 歐陽燕妻康氏 王任安妻劉氏

孟汝榮妻王氏 劉世英妻羅氏 彭紹儼妻吳氏

周樹妻彭氏俱青年守節乾隆十一年旌

管恭妻鄒氏年二十四夫故守節撫孤事翁姑養葬如禮

夫存日倡修祖廟未竣事氏鬻婢女助之歲壬戌癸亥連饑氏率兒媳減膳煮粥以食饑者乾隆十二年旌

康正孫妻萬氏夫亡氏年二十餘矢志撫孤孤述德年十六補諸生氏卒年五十四乾隆十二年旌

彭象賢妻劉氏夫卒年十九撫二孤守節孝事祖姑卒年七十六乾隆十三年旌

李氏雙節石芹妻劉氏石芹病篤以子幼家貧為慮氏咬

指血誓不他適既歿氏經營殯葬日夜勤機杼以給子
階平娶劉氏階平商楚卒劉年二十三自計歸櫬姑媳
孀居撫兩孤成立姑年七十八乾隆十一年旌媳年六
十二乾隆十三年旌

唐煥成妻彭氏青年守節乾隆十三年旌

李宏陞妻劉氏年二十二守節乾隆十四年旌

彭奇壽妻戴氏少年守節乾隆十四年旌

左雲龍妻朱氏青年守節乾隆十五年旌

李贊陶妻劉氏夫亡年二十二守節年逾八旬乾隆十六
年旌

左登庸妻高氏青年守節乾隆十六年旌

劉浩儒妻姚氏青年守節乾隆二十年旌

謝士宏妻彭氏夫亡年二十三守節撫孤孝事翁姑乾
隆二十一年旌

郭次偉妻劉氏 王禹勤妻彭氏俱青年守節乾隆二十
三年旌

謝世鼎妻陳氏年二十一守節撫孤有成乾隆二十四年
旌

劉丕元妻鄒氏年二十三夫亡孝事繼姑撫孤有成乾隆
二十五年旌

王會祖妻劉氏青年守節乾隆二十五年旌

朱攀以妻周氏年十九守節氏通文墨傳夢夫一絕云月

冷梅山照夜臺妾身未死已心灰十年地下無消息愁
絕西風刮耳來乾隆二十七年旌

黃楚珍妻劉氏青年守節乾隆二十八年旌

劉祖元妻伍氏夫亡無子撫從子為後織紵養姑守節四
十二載乾隆二十九年旌

劉韓侶妻朱氏同善長女十七歸劉甫半載侶卒翁以長
男次子起鳳嗣氏撫之如己出乾隆二十九年旌

劉瑾定妻歐陽氏青年守節乾隆二十九年旌

李江永妻劉氏歸李二年永卒生子相朝甫八月氏矢志
孝養翁姑撫孤成立乾隆三十二年旌

劉傳宗妻郁氏 劉沾屢妻王氏俱青年守節乾隆三十

二年旌

李予轍妻劉氏于歸踰年夫歿遺腹生一女撫從子承繼
苦節四十一年乾隆三十三年旌

彭懋修妻賀氏進士同珠孫女年十八歸彭甫五月而寡
殯葬後閉戶自經以救得甦撫從子守節乾隆三十四
年旌

鄧錫髮妻彭氏年十七寡居撫乳下孤善事翁姑乾隆三
十五年旌

彭就月妻王氏歸彭半載而夫歿遺腹生子未晬復殤老
姑七十忍死孝養撫從子為嗣守節四十餘年乾隆三
十五年旌

劉位台妻康氏青年守節乾隆三十五年旌

歐陽蘭妻劉氏年十八守節乾隆三十七年旌劉于歸時

繼姑生子二俱幼繼姑逝皆劉撫長成室相繼亡兩姊

俱青年守節劉嘗泣曰未亡人聚於一門一綫未衍請

於族尊撫再從子為嗣人稱歐陽氏三節

劉大挺妻左氏永新人年二十七夫故守節孝事老姑撫

子應瑤有成乾隆三十七年旌

郁貫斗妻賀氏年二十一夫亡守節撫從子為後乾隆三

十七年請旌

嚴學奇妻劉氏年二十夫卒截髮示志家貧紡績養姑守

節五十八年乾隆三十八年旌

劉勁節妻王氏年十七歸劉生一子而夫亡紡織以守教

子茂藻為諸生乾隆三十八年旌

趙國僑妻蕭氏青年守節乾隆三十八年旌

陳奇縉妻劉氏年二十二夫亡矢志孝事翁姑撫訓孤子

苦節三十餘載具詳准旌

周千騰妻劉氏年二十一夫故氏矢志節撫孤楷貢成均歿

無子媳劉氏年二十四亦矢志守

賀咏軒妻劉氏年二十九夫亡家貧守節孤歿含淚勤紡

績養老姑至老不懈卒年八十一

賀學慚妻陳氏年二十八夫亡守節以壽終

賀祖雲妻彭氏年十九歸雲六月夫亡安貧守節撫姪承

桃事翁姑極孝卒年四十九

郁漸遠妻劉氏年十七歸遠半載夫亡氏自刎幾絕治喪畢足不出閭卒年五十一

郁羽瑞妻賀氏歸瑞三載夫亡遺腹生一子撫育成立事姑承歡卒年七十餘

周巨楫妻劉氏年二十三而寡孤二齡姑老多病氏矢貞撫養卒年八十二

劉元長妻顏氏年二十九夫亡守節三十五年卒

周楨妻譚氏年二十五而寡家貧矢節撫孤成立卒年六十五

歐陽子炳妻王氏年二十四夫亡矢志守節卒年六十一

朱仲廉為立傳

劉本篤妻周氏年二十七孀居誓守孝事翁姑撫育子女孤生二子復歿媳彭氏矢志共守周年六十三終

劉圖紹妻胡氏夫卒氏年二十三守節無子撫從子恭寅為嗣既婚歿復撫兩孤孫年五十邑令張匾曰節高壽永七十四終

王氏雙節苑林妻李氏苑林商楚歿李年二十八子會極八齡矢志撫孤娶媳彭氏生子承熙會極歿時彭二十四歲子僅三齡亦繼姑守節李年八十四彭年七十六李錫柔妻王氏年二十三喪夫時長子士煒甫二齡次子士喜在妊氏甘貧撫孤守節六十七年

歐陽瀘妻李氏年二十八夫故守節甘淡素勤操作教二子成人年六十八卒

鄧渠堂妻蕭氏家淑女年二十二渠堂故氏自誓守貞無子撫從子海孫為繼事姑孝謹年七十八終

彭瑾妻雷氏年二十一夫亡守節六十歲歿

歐陽履仁妾王氏年二十二矢志守節卒年七十三歐陽瑾為立傳

張成我妻劉氏年二十二夫亡矢志撫孤七十三卒知府丁給匾旌之

劉規孫妻吳氏年十七歸規孫翁昆潛令江南嘉定縣規孫隨父任氏在家事姑執婦道後翁卒於任橐無遺氏

賀奩助夫扶喪歸夫以哀父旋殞氏年二十五守節三十八年如郭氏夫覺孫歿亦青年守志族進士高培為作雙節記

監生劉雲鵬妻康氏年十八歸劉時翁學先任南丹州同姑在家氏克盡婦職雲鵬卒氏年二十四守節長子及一女俱歿次子受室後嘆曰我從夫子於地下矣遂不食死卒年四十九

康陵昌妻萬氏年二十四夫館廬邑病疫從兄文學引昌雇舟扶歸不數日卒氏投繯以殉隣媪解救引昌蠲租八十桶周之忍死侍姑二十年竭力供膳復為弟娶婦姑歿哀毀致疾撫從子承繼縣令張崇樸有苦節記

郭拔妻彭氏年二十三夫亡守節卒年八十一

李樂妻王氏侍御謙言孫女年十八歸樂姑康氏工詩詞

授氏列女傳氏輒成誦能解越八載樂卒守節家故貧

氏績紵茹荼奉老撫幼年五十九終子以哀毀旋卒媳

王氏生一女矢志繼姑俱新

劉奇質妻王氏年二十四奇質卒氏自縊至再撫從子子

紹為夫後官祁陽縣令年八十六卒

李文岐妻張氏年二十一無子慟夫死毀容矢守三十餘

年俱縣志

梁偕謁妻劉氏年二十二夫亡撫遺腹女事姑孝謹姑歿

殮葬俱如禮卒年九十三

廖次超妻朱氏六兮女年二十二夫亡數年孤又歿氏矢

志不移以已分產業讓弟姪紡績所獲周濟鄉隣貧困

者癸未鄉遭疫弟孫蘭夫婦卧牀氏視湯藥後孫蘭夫

婦病愈事之如母歿年七十八

王琴質妻顏氏年二十二夫亡氏家貧撫孤以女紉度日

事姑尤孝卒年六十三

羅允妻高氏年二十四夫亡氏矢志日事女紅為養姑教

子之資卒年八十一

彭狂賡妻賀氏年二十二夫亡遺孤二齡氏耐苦守貞卒

年八十九

桂景友妻歐陽氏榮女年十八歸景友生一女而翁姑歿

景友隨氏父榮遊學廣西未幾聞父與夫凶息時年二十四矢志撫弟與女家無升斗紡績為生年六十四卒郭學孟妻曾氏年二十五守節撫從子琅為後丙寅冬氏脫粟別室琅啼姑扶杖攜往視頃之樑上喋喋然聲大作氏仰視忽墜瓦數片傷其面氏見勢危急負姑走口呼子速來比出不見琅趨入抱子牆盡塌壓母子俱殞時年四十六

彭啟瑩妻高氏年二十三夫亡家貧矢節撫孤卒年七十四郭學言妻周氏上猶訓導人傑女年二十六而寡勤女紅自給會姑與子俱病氏日夜進湯藥方愈而氏疾作年四十五卒

劉士球妻黃氏年二十二夫歿茹苦守節撫孤卒年七十二

王秉儀妻朱氏年二十夫亡事姑育孤守節六十六年卒毛孟錫商於川娶妻楊氏年二十二孟錫溺水死氏抱子哭江邊三日屍始浮離溺處四十里氏收殮扶柩歸里遺腹生一子卒有諷之者叱曰吾何以對毛孟錫耶自是手指為生卒年六十七

林珠寶妻彭氏年二十二珠寶卒矢志守節撫教二孤次子受室生一子卒媳甯氏亦感姑志誓守彭年八十五卒

周世達妻王氏年二十二而寡時孤在襁褓茹荼鞠育迄

於有成卒年七十二

王承祖妻趙氏年二十二生子大任夫遊學滇南卒氏撫孤成立守節三十八年

王廷萬妻朱氏年二十四夫歿遺腹生一子自乳哺迄成人劬勞備至卒年七十六

歐陽步天妻王氏性貞靜通翰墨年二十六夫遊滇卒命僕迎骸歸葬事姑惟孝課子以謹有吞其產者氏不與校曰是逼吾去也次子樞斗補諸生欲呈節請旌氏力止之卒年六十八

歐陽瓚妻謝氏年二十夫歿守節撫孤孔映髫齡入泮氏年六十一

歐陽慶雲妻謝氏年二十三雲歿矢志鍵戶中夜紡織卒年六十五

劉步周妻彭氏年二十三夫故矢志撫孤完操

劉匹亮妻顏氏年二十四夫館粵西卒氏冰操自勵終始如一

王依中妻劉氏年二十五依中故氏撫女守節勤紡績不與鄰里言緩急卒年六十一

李淪妻彭氏年二十四夫故守節仰事俯育悉出機杼年八十一卒

黃庭拔妻劉氏夫歿氏年二十四遺孤方乳撫養成成人守節三十七年

趙景範妻左氏年二十二夫故撫孤守節卒年七十五
朱貢疇妻劉氏豈堅女年二十一夫亡撫孤守節三十五
年卒

劉光旭妻桂氏懷集縣令蟾蔚女旭卒氏年二十六守節
事翁姑孝敬撫子女以嚴子櫛雍正壬子鄉舉卒年六
十五

易立人繼妻萬氏年二十七守節撫孤卒年七十二

劉仲琳妻王氏年二十守節撫孤卒年七十二

王佐妻劉氏 謝光泰妻劉氏 劉世傑妻景氏俱旌俱新

增

安福縣烈婦

宋

劉生妻歐陽氏生以事出有惡少欲侵凌之氏不受辱而
死邑人劉寬作詩弔之通志

元

劉開妻張氏元季紅巾賊將及境張暨鄉儒吳崧子婦竄
湯村度必不脫即相挽赴水死

按舊志劉開妻失其氏今補又吳崧子婦邑志作孫
婦通志作吳崧婦

鄧隆章妻王氏兄弟率眾赴義氏恐辱義不苟活不屈死

俱參通志

孫氏婦家貧值歲饑夫欲嫁之婦不從攜一男一女赴水

死邑人劉定與作詩弔之 通志

劉烈婦龍氏名琇至正間其族父以舉義兵不克州陷家燬琇甫六歲隨父母轉徙他郡歲甲辰始歸安福劉氏其明年五月淮寇李明復入安福劉舉室將竄水西時江上暴漲不果琇度無可往即泣涕別其姑自誓必死江上寇奄至見琇棄他貨物急赴之琇遽奔入江中寇追之不及則引槩以鈎舉其髮琇反手解結乃就溺寇相視驚愕去時年十九劉楚為之傳 通志本 槎翁集

明

朱孟安妻劉氏年二十安卒劉給治棺者曰大為棺以藏所愛衣物既成沐浴更衣縊死同棺瘞梅溪山

王尹妻蕭氏夫死撫孤女偶歸寧夢夫如平生速之歸且聞有異圖者次日即馳哭墓所嘔血數升死時年二十四其翁貫有詩哭之 俱縣志

劉氏雙烈蘊球二女蘊球挈家客思州長女為王邦潮妻年二十五次者未嫁年十八會苗破思州二氏相攜赴塏塘水死先是王婦乳兒才二歲勢急裹兒置石崖中賊去女僕得其子投張指揮家指揮為購死者於塏塘面如生仍兩手相攜始收斂之遂列其事白軍門給驛歸櫬還葬

彭紹三妻周氏嘉靖壬辰寇亂氏被掠驅至巢以刃加頸脅使更衣憤罵賊曰奴速殺我我已決一死矣盜憐其

色多方誘之不從盜度不可近乃殺之

俱參通志

按周氏學志作紹三繼妻嘉靖十七年旌

彭炯妻周氏嘉靖十三年草寇掠之去欲污之弗從遂折

其足殺之逾旬得屍色如生當道表其門曰烈婦

縣志

按學志彭炯字紹三邑志及通志名字分兩人妻俱

周氏並嘉靖間死難當是重載

副使王世文妾桂秀年甚少而世文歿聞主母將遣之自

縊死尚書王學夔為題其墓曰烈妾

通志

劉堯妻顏氏堯喪守節有里民康希樂取煤於其舅之墓

掘坎數丈許顏哭阻不聽遂投坎中死巡按朱捕希樂

置於法復坊表墓道額稱孝節

參通志

彭石郎妻王氏戊午逆寇嘯聚南山晝伏宵劫夜圍龍塘

殺數十人婦翁被殺掠婦以行甫出門即抱子赴塘水

死

縣志

黃某妻劉氏遇寇不屈死

參通志

劉周井妻王氏年二十二無子守節外家憐其孤苦促歸

寧哭甚哀遂自盡

通志

彭彥士妻劉氏生一子彥士得肺疾迫於貧仍抱病就館

比病危音至家劉自縊以身代夫死彥士病竟痊

參通志

王殊會妻劉氏邦采女孫會客死劉年二十毀容自守有

豪奴訟主指會生前事以証藉質成於劉氏胥吏脅之

出遂自縊死

縣志

劉次六妻李氏年二十二夫卒氏以翁姑早世欲隨夫地
下踰月喪事畢遂繫項而終

郁宏又妻李氏桓珠英子女歸郁週年夫卒桓珠即投繯
死兩柩並出同穴以藏

顏簡妻伍氏簡貌寢且疾伍歸執婦道益恭夫卒有軍人
李敦欲強娶之伍自經死事聞詔旌其門俱參通志

按伍氏舊志列顏氏三節內今摘入此

王街妻湯氏年二十七夫歿於武岡州湯矢志終事舅姑
及聞有欲奪其志者遂登樓自縊死距夫死僅百日

黃章美妻廖氏年二十明季張寇亂被執不屈投於江寇
強之起罵益厲寇怒剖胸及腹而死

王晉妻左氏遇張寇不屈斷頭披胸死

王觀上妻姚氏有女方及笄遇兵環集姚投水幾斃旋起
以手挽其女同溺水死

王公敬妻孫氏事姑以孝聞遇兵盡奪其服飾挾之不屈
遂投江死

劉年玉妻馬氏劉為諸生遭亂攜妻匿山中俱被執殺其
夫欲污氏憤罵不絕口兩手抱樹兵刃其右臂氏躍入
池塘死

彭氏雙烈杜若妻王氏弟眉祝妻劉氏會寇壓境王投水
賊乃援之罵益烈赴水深處死賊又逼劉劉曰嫂死吾
不能獨生賊連殺數刃亦死

彭門五烈維新妻王氏有女三長適劉次已嫁歸寧季年十五未聘值兵亂王氏與次季二女恐污辱相攜赴塘死有婢名救貞者亦從之長女聞母妹之變亦痛哭遂絕

鄧金奏妻周氏金奏被賊執將加刃周氏哭曰願以身代賊釋金奏脇周上馬不從罵賊而死

廩生郭治隆妻康氏夫被賊執欲加刃康以手蔽之斷其臂賊怒治隆遂遇害復逼康康就刃自殺

劉尚賞妻王氏女蓉玉適諸生歐陽光繡襁其未暮兒歸寧時兵至王氏攜女急避後園園有沼王氏與女並嬰兒躍入沼水僅盈尺三命俱殞

李省吾妻徐氏舉人福生母被張寇執跳巖死隨婢佑秀亦死俱縣志

劉中珠妻王氏崇禎癸未夫被寇執將加刃氏以身蔽夫願代死賊傷氏臂氏抵益堅賊怒鬻殺之而去夫命獲全新增

國朝

王磐干妻顏氏鄉舉任寶女生子善慶丙戌避寇遇賊執其臂索賄顏曰此手乃為賊執耶遂投水死時年二十磐干感其節烈終身不復娶

諸生鄧釗妻胡氏釗遊學南楚歲丙戌氏被寇執欲辱之罵不絕口投水死

鄒宗孟妻羅氏丙戌張寇圍城見夫被執羅知不免遂自縊死

劉玉妻歐陽氏丙戌亂氏被執拉之上馬歐罵不絕賊怒刃其腹死

彭崑生妻劉氏丙戌間賊逼氏避不及遽投水死崑生義之不再娶

陳五典妻王氏順治間避亂為賊執欲污之氏厲聲大罵賊怒剖其腹死

郁鮮塵妻陳氏食貧七載戊子歸寧傳呼騎至婦曰至則無及矣遂自投於錠子塘以死後鮮塵繼妻馮氏亦賢

割股療姑病陳觀有烈妹傳

劉玉耀季女慈玉適廬陵貢生黃霸孫戊子張寇陷郡被擄至本邑賊逼之剔目抉齒夜半投城西蓮沼死

王祇台妻曾氏壬辰冬楚寇陷邑曾被執大罵求死遂遇害

郭中怡妻夏氏壬辰冬亂扶姑避兵氏被執百折不辱投水死

王斐山妻劉氏康熙甲寅吳逆之變避山中賊至遂大呼其衆曰賊近矣不死將污即依於樹自縊時年二十二

俱縣志

易賓臣妻劉氏年二十一賓臣卒於虔氏撫孤守節丙戌亂被執賊棄其子擁氏以行至塘邊憤罵投水死

新增

康景禮妻羅氏南昌宮詹篁菴女年十九景禮卒哀慟誓
殉康熙十六年歸寧泊舟市汜遇劫盜欲加以非禮羅
計給之乘間赴水死縣志

按羅氏邑志及學志均列入明代今更正

伍希林妻歐陽氏丙戌亂氏抱子壽生匿山中賊肆掠度
不免遂自刎時喉氣未絕復慮賊殺其子乃以手抹血
塗壽生之面及頸後賊至以為母子並死壽生得免歐
陽氏遂死之

周廷機妻歐陽氏年二十夫歿閉戶自縊死邑令魏給有
巾幘完人之額

劉奇寶妻趙氏順治壬辰寇肆掠氏被逼兩手抱松不受
賊汚賊怒斃之松下

歐陽法士妻周氏年十八歸法士甫四月法士商於楚卒
氏年二十五不食死

李離治妻彭氏夫亡勉治喪畢自縊死時年二十一
劉用昭妻張氏年十五歸劉甫三月夫即遠商越二載訃
音至氏哀慟不勝閉戶自縊死

廩生歐陽德松妻劉氏夫卒氏哭喪百日不食而死乾隆
十年旌

朱煥章妻劉氏適煥章暮年夫亡七日絕食飲自經以殉
知縣郭孫俊匾旌節烈并捐給葬殮銀

諸生朱文秀妻陳氏秀病累月氏禱以身代越七月夫卒

殮畢關戶投繯死前明永樂間有族祖孟安妻劉氏殉夫同棺而葬於是亦作大棺與夫合瘞於梅溪之山即孟安夫婦同葬處乾隆三十二年旌

蕭省登妻王氏夫亡守志撫孤有逼之嫁者氏服毒死乾隆三十三年旌

蕭慶雲妻劉氏年二十六夫亡治喪畢數日不食死俱新

安福縣貞女

明

矮姑王居震女巡撫懋中從姊年踰九十猶然童女身短故稱矮姑六十時懋中更衣往賀堅拒之懋中曰姊訝我不官服來旋更衣跪而進觴乃出受拜縣志

雪玉歐陽氏女年十三許聘里中劉十六郎劉商於滇已而傳其死女痛矢志越數年忽有稱劉郎自滇回求畢婚且冀一見女曰今日一見偽十六郎異日將何面見真十六郎於地下乎年六十五無疾而終邑人康若生有詩表之參舊志

按雪玉舊志及通志均載未字守貞攷康若生詩有十三許聘郎之子遠行市句則已字而守貞者各志似誤

朱萬爵女素娘縣志列名

國朝

康燕鶴聘妻劉氏女璜珠未嫁夫歿請於父往執喪旋反

母家有議改字者氏聞投河賴救得不死自是毀容日
事紡績守貞四十餘年

左三郎聘妻周氏女梅姑郎出遊不返死於滇女誓不再
字勤於紡績卒年五十六

劉輅聘妻周貞女乾隆十一年旌

劉乾握女竇娘六齡喪母二弟俱幼父義不再娶女孺慕
服勤當十三四時日者以命有刑尅議婚不合女聞知
誓不適人以奉養老父為志父病疽女吮膿血盡乃愈

二弟皆賴撫長年七十四猶童女宗族稱孝竇娘

鄒瑞蛟聘妻蕭氏女煥姑夫死守貞乾隆三十三年旌

謝右裳女珏娘幼許字李氏子李商於滇而亡矢志守節

勤於紡績年踰六十

歐陽裕元聘妻周和姑映鼈女未婚而裕元亡聞訃請於

父母奔喪持服三年歸寧父母年老願終為孝養女父

母知其志堅遂順成之年五十一卒

曾會照女泳娘 劉瑞生女翠娘 張護女岡珠

趙氏女敬娘母亡父榕義不再娶女念父鰥居弟幼守貞

不字事父以孝聞撫弟燕成進士現五十八歲俱新

安福縣烈女

明

左氏許聘湯氏子未婚夫歿有媒議改聘女聞自縊死

王教保聘妻劉氏名次王保浪遊死有議改適者潛投塘

死數日屍出如生 俱通志

王才生女年十四未字避賊外祖鄧某家鄧母周氏遇害女藏密林中賊見之掖上馬三掖三墜賊知不可奪斃之馬下 縣志

國朝

歐陽氏女蓼玉惟美女年十七未字順治丙戌盜逼女恐為所污投水死其世父同知理哭以詩有兵逢隘路愁先玷頸繫方塘恐後亡之句 十一本

王喜娘烈女康熙五十八年旌 王氏烈女芷娘 俱新

彭隆祖聘妻謝氏名活姑性貞靜九歲時母病嘗藥及母卒哀痛擗踊水漿不入口者三日未嫁而隆祖歿氏自

經死時年十五雍正八年旌 通志

安福縣賢母 附孝婦孝女賢婦善婦才女壽婦

南北朝

劉氏女名玉秀彭城王義康女也義康賜死安成其子女俱留子為元凶劭所殺惟玉秀存焉元凶除玉秀露版辭奏曰父凶滅無狀孤負天明存荷優養歿蒙加禮明罰羽山未足救法烏鳥微心昧死上請乞反葬舊塋糜骨鄉壤 南史

宋

朱雲孫妻劉氏姑病雲孫割股以進而愈姑後病劉亦割股以進又愈尚書謝諤為朱孝婦詩 通志

明

劉紹侃妻趙氏通經史臨終書遺命訓其子詳邑志

王緝妻胡氏夫兄弟商久未歸家且貧翁年九十餘胡勤力供事不諉諸姪鄉族稱孝婦

歐陽律妻劉氏律家貧館於楚劉紡績奉姑姑病危刲股以進姑愈延三年病復發復刲股又延三年一夕夢神語曰汝姑命久當盡因汝孝乃延六載今當以某月日逝汝無患汝夫且歸矣至期姑果病律即以是日歸母子相抱而哭不移瞬姑目遂瞑俱縣志

蔡夢彥妻周氏事姑孝姑病危急周百計療之不得刲股肉進姑病竟痊劉元卿為之傳通志

劉伯清妻曾氏姑歿在殯清偶出隣火將及其居曾抱柩哭號俄得二人舁柩出行未數步梁墜火勢甚烈曾焦髮弗顧風徐反得免縣志

王三重妻謝氏一作張氏家貧紡績為甘旨以奉姑姑病刲股療之遂愈臺臣上其事旌曰純孝之門見明史

劉際隆舊志作際龍妻周氏姑病垂危周刲股以進得瘳邑令陳昂虞旌之縣志

王茂妻劉氏事繼姑以孝聞家貧延師課子年六十終通志

李璞銳妻劉氏姑病急刲肉為羹以進姑食之立愈

夏錫宏妻熊氏年十五適夏甫一載錫宏病篤熊刲股療之遂愈

鄒英妻劉氏光衍女年十六母曾氏病篤刲股和羹以進
母遂愈有司褒異俱縣志

國朝

高偉奇妻李氏生順治七年至乾隆十六年百有二歲奉
旌建坊曰貞壽之門

劉冠雲妻歐陽氏鄉舉鳴豫孫媳姑病割股以食遂愈邑
令劉學愉旌以匾

康定遇妻歐陽氏年十六歸遇孝敬翁姑聲聞鄉里翁五
燦任宜春訓導病篤氏刲股以療後姑病又刲股救愈
遇歷任廳縣氏以雪冤輕刑為勸為夫置妾者再遂繁
衍多男卒年五十八

彭麟官繼妻鄧氏事夫敬順事舅姑并祖舅姑皆能孝初
麟官元配王氏遺三女氏有教遣嫁一如已出卒年七
十五

鄉舉李清妻康氏名瑤玉其父若生為名孝廉氏幼讀父
書通翰墨清應鄉試氏虔繡奎星一幅題詩其上為清
祈名清以康熙壬午鄉舉一時傳為佳話所著有梳雲

閣初集二集三集俱新

吉安府志卷五十八

列女志

龍泉縣節婦

元

梁圓妻李氏年十七圓死守節終身

通志

按李氏邑志作宋朝人又舊志無傳今補載

明

蕭永誠妻羅氏年二十二

通志作年十八

永誠病氏割臂和粥以

進及卒誓不易志勤紡績以養舅姑訓二子有成洪武

十九年旌

王用均

舊志作均用

妻劉氏年二十二用均死殯時截髮矢志

後有欲奪其志者氏誓死拒之洪武三十年旌

俱參通志

胡氏雙節胡智郎妻鄒氏年十九智卒一子廷玉氏矢志

撫之及長娶婦袁氏生孫魁甫三歲廷玉卒袁年二十

七姑婦兩世貞操鄒年七十二終袁年九十三終嘉靖

間賜額褒之

郭維經妻彭氏生五子維經援虜殉節氏聞變哭曰以此

報國恩死其所也郭氏之後惟余之責乃撫育諸子年

九十一終妾尹氏生二女一子亦視如己出

俱縣志

劉攀妻袁氏夫故氏年十六遺腹生一子矢志不二養姑

撫孤天啟三年旌

王仁佳妻郭氏年十九夫亡撫孤養姑詔旌其閭

歐陽欽孔妻康氏年二十五夫亡撫孤事姑盡孝訓子成

立卒年五十五鄒元標表其墓

羅仲良妻李氏良卒氏年二十五無子有利其產強再適

者氏以死自誓年六十九卒有司請旌

李奇藝妻張氏侍御啟元孫女夫以母卒廬殯次三年憂

傷死氏抉面截髮以死示志撫兄子汝楨為嗣苦節三

十餘年所居向有枯榴二株氏矢志時一株復茂崇禎

甲申五月忽萎折九月氏卒邑人項弼先有傳

俱參通志

項容愷妻彭氏年二十夫卒鼎革時挈孤子弼先流離困

苦卒能課子成名知縣蕭世澤顏其堂曰並美柏舟

縣志

彭以見妻劉氏年二十三夫亡守志撫二子之鱗之鯤俱

力學從鄒元標遊有司具題旌表

參通志

彭苾甫妻高氏

舊志列名

國朝

彭之琮妻郭氏年二十一夫亡守志撫子惟焯惟輝俱補

弟子員卒年七十四康熙二十一年旌邑人蔡文詔為

之傳

參通志

胡德應妻李氏年十七歸胡逾年夫往蜀客死氏立繼守

節卒年五十五

縣志

劉清傳妻郭氏 彭惟輝妻方氏 康待儒妻郭氏各守

節三十四年俱康熙間旌

康郭氏見通志

張之珽妻郭氏道源女年二十二夫亡守節督孤良駿補

弟子員孫履仁膺鄉舉孀居五十八載雍正四年旌

參通志

梁嘉作妻王氏 張士颺妻陳氏 周景韓妻王氏

一作蕭氏

彭世道妻温氏俱雍正間旌

俱縣志

周繼輝妻彭氏主侯長女生子壘甫十歲夫亡守義事姑

方氏以孝聞家故貧十指紡績外灌園圃市蔬以易粟

養姑諸艱備歷迄七十歲清江楊錫紱顏其堂曰冰操

鶴算後壘成進士館 莊邸 王詢悉母德手書苦節

成孤四字獎焉就養中州歷虞城等邑所至課子卹民

年八十有四贈孺人事詳楊錫紱節婦傳及歐陽永荷

合阡表

劉顯謨妻李氏孝豐縣尉政榮女顯謨卒姑謝氏以哭子
兩目並瞽後復手足痿痺氏背負出入委曲承順前後
侍姑疾者十三年

馮貞祐妻蕭氏年二十餘守節清江楊錫紱為立傳乾隆
元年旌

尹世文妻張氏 扶朝柱妻羅氏 羅應奇妻黃氏

康子璉妻項氏 郭昌裁妻羅氏 王文奎妻郭氏

張秉義妻石氏 歐陽敬勝妻何氏 梁之琬妻李氏

彭德貢妻李氏 周承琰妻王氏 會上琬妻王氏

康萬璟妻張氏 顏承德妻程氏俱乾隆元年旌

按郭昌裁妻羅氏呈冊作乾隆四年旌

康裕國妻張氏 康子福妻劉氏俱乾隆二年旌

廖利軾妻蔣氏 劉萬祥妻吳氏俱乾隆三年旌

蕭仲達妻湯氏夫亡守節安福康五瑞為立傳乾隆四年
旌

黃士榮妻李氏年二十餘孀居守節清江楊錫紱為之傳

乾隆四年旌

羅川鎬妻袁氏 郭凌漢妻王氏 曾元美妻王氏

郭正遂妻曹氏 李開福妻鍾氏俱乾隆四年旌

周繼遠妻夏氏 李志懋妻劉氏 劉彥淑妻李氏

高慶朗妻朱氏俱乾隆五年旌

蕭祖乾妻劉氏 劉需登妻李氏 朱永儀妻張氏

蕭紹澗妻劉氏俱乾隆六年旌

王宏元妻劉氏 王太烜妻羅氏 郭常國妻劉氏俱乾

隆七年旌

謝伯為妻張氏乾隆八年旌

劉松妻曾氏 胡山珩妻康氏 王祖儒妻賴氏

郭待聘妻康氏俱乾隆九年旌

馮貞祁妻高氏青年矢志清江楊錫紱為之傳乾隆十年

旌

彭湛妻馮氏夫亡守節清江楊錫紱為之傳乾隆十年旌

王永賢妻劉氏 李祥迪妻鄧氏俱乾隆十年旌

謝光組妻高氏夫亡守節乾隆十一年旌

劉建烈妻王氏 張宏涵妻蕭氏 鍾韓妻劉氏

胡志憲妻高氏 王士珍妻賴氏俱乾隆十二年旌

彭德贄妻羅氏青年守節清江楊錫紱為之傳乾隆十三

年旌

郭濟選妻曾氏夫亡守節乾隆十四年旌

謝大鈴妻康氏年二十餘守節郡守張照乘給真孝苦節

額乾隆十五年旌

彭漢陞妻陳氏乾隆十七年旌

葉銓妻康氏乾隆十八年旌

吳學珩妻黃氏乾隆二十年旌

李斯宸妻劉氏乾隆二十一年旌

黃朝樑妻周氏夫亡守節清江楊錫紱為立傳知縣杜一鴻表以詩乾隆二十六年旌

劉宏澤妻葉氏青年守節清江楊錫紱為之傳乾隆二十六年旌

包鷺煌妻郭氏 張宏基妻胡氏俱乾隆二十六年旌

梁啟文妻歐陽氏夫亡守節乾隆二十七年旌

按啟文邑志作廷文二十四年旌今據梁氏呈册改

正

王大縉妻劉氏夫亡守節清江楊錫紱為作傳乾隆二十

七年旌

鄒肇淳妻康氏乾隆二十七年旌

胡學海妻張氏乾隆二十九年旌

張金怵妻胡氏 梁拱桂妻蕭氏 郭士玫妻曾氏

康應鼎妻梁氏 謝光緯妻李氏 彭興貴妻劉氏俱乾

隆三十三年旌

按梁拱桂妻蕭氏呈册作乾隆九年旌

呂存吳妻張氏 呂存景妻歐陽氏俱青年矢志克完貞

操乾隆三十四年旌

高岡妻張氏 黃榮倬妻盧氏俱矢志完操乾隆三十六

年旌

黃榮僖妻馮氏乾隆三十七年旌

彭之純妻劉氏 彭之紱妻康氏 俱舊志

言安府志 卷五十八
康文統妻衷氏年二十一守節五十三卒
諸生劉作肅妻梁氏年二十三守節五十三卒督學王思
訓有傳

高仲鑑妻溫氏年十九守節五十五卒

康為泮妻朱氏年二十五守節七十卒

劉建紳妻康氏年二十六守節五十四卒

康大昌妻朱氏年二十六守節五十一卒

袁海峰妻彭氏年二十六守節六十五卒

郭次仁妻彭氏年二十守節七十六卒

項振綸妻杜氏年二十六守節六十五卒

劉明士妻王氏年二十二守節八十二卒

劉桓佐妻郭氏年二十一守節七十一卒

附貢歐陽敏妻梁氏年二十六守節六十四卒

監生歐陽叙妻鄧氏年二十四守節五十一卒

張仁達妻劉氏年二十三守節七十四卒

郭開汾妻劉氏年二十九守節七十七卒

王廷芳妻鄒氏年二十八守節七十七卒

劉榮禮妻鄧氏年二十守節五十卒

蕭天信妻李氏年二十九守節五十四卒

蕭贊仁妻羅氏年二十二守節六十五卒

馮明鑣妻王氏年二十九守節六十七卒

馮文龍妻劉氏年二十五守節七十卒

劉貴臣妻彭氏年二十九守節七十八卒

郭國球妻曾氏年二十七守節五十卒

監生王光乾妻廖氏年二十四守節七十五卒

李文賓妻羅氏年二十五守節五十八卒

蔣國幹妻羅氏年二十九守節八十一卒

馮貞稜妻郭氏年二十九守節七十七卒官保楊錫紱有

傳

郭乘六妻李氏年二十七守節六十六卒

袁漢智妻蕭氏年二十七守節五十九卒

諸生鄒登庸妻郭氏年二十九守節八十三卒

王開元妻楊氏年二十二守節六十二卒

彭承烈妻康氏年十八守節五十三卒

彭漢陸妻蕭氏年二十八守節六十五卒

彭紹履妻郭氏年二十七守節五十二卒

諸生李正咸妻項氏年二十八守節五十六卒

李英燧妻郭氏年二十九守節五十一卒

李英燕妻曾氏年二十八守節六十四卒

吳文淋妻鍾氏年二十七守節五十八卒

郭啓文妻尹氏年二十四守節八十三卒

郭永綏妻劉氏年二十七守節七十三卒

郭良貴妻劉氏年二十四守節七十六卒

監生郭啓修妻康氏年二十八守節五十六卒

方崇敦妻熊氏年二十二守節八十卒

方期信妻賴氏年二十五守節八十卒

胡尚朗妻廖氏年二十四守節五十二卒

康渠玉妻王氏年二十七守節七十九卒

廖尚儒妻謝氏年二十五守節七十一卒

廖家機妻楊氏年二十八守節八十四卒

廖文祥妻黃氏年二十四守節八十四卒

廩生彭惟燕妻蔡氏年二十九守節六十四卒

彭登騶妻張氏年二十二守節五十卒

諸生蕭漢琰妻劉氏年二十九守節五十三卒

李禊生妻康氏年二十四守節八十四卒

包鳴蘭妻蕭氏年二十二守節六十一卒

鍾代佐妻張氏年二十七守節五十九卒

李啓義妻蕭氏年二十四守節八十卒

劉正綸妻蕭氏年二十八守節五十四卒

李慶饒妻楊氏年二十五守節五十二卒

袁明滔妻羅氏年二十守節九十三卒

劉孫儼妻蕭氏年二十九守節八十一卒

監生王黻妻熊氏年二十八守節五十三卒

郭光定妻謝氏年二十九守節五十三卒

張加文妻鍾氏年二十五守節五十九卒

諸生王光宣妻郭氏年十九守節六十八卒

康浩然妻蕭氏年二十七守節五十三卒

郭次遠妻鄒氏年二十五守節六十五卒

郭伯仲妻彭氏年二十五守節六十六卒

郭悠燦妻顏氏年二十六守節五十五卒

郭御六妻劉氏年二十八守節八十五卒

謝大鏞妻梁氏年二十一守節七十六卒

諸生郭良佐妻朱氏年二十五守節七十卒

郭文沼妻項氏年二十七守節七十二卒

朱雲妻蕭氏年二十四守節五十二卒

李樹徽妻劉氏年二十七守節七十八卒

高位章妻曾氏年二十五守節七十七卒

張光鴻妻羅氏年二十六守節六十卒

郭湯銘妻蕭氏年二十三守節七十一卒

李紹銓妻曾氏年二十三守節四十三卒

吳文琳妻鍾氏年二十六守節五十八卒

職員彭世遠妻高氏年二十五守節五十三卒

康朝驪妻劉氏年二十七守節四十八卒

彭克峻妻胡氏年二十四守節五十四卒

李英伯妻郭氏年二十五守節八十卒

李文祥妻郭氏年二十八守節五十三卒

俱縣志

康允材妻夏氏年二十九守節七十五卒

馮嘉稜妻曾氏年二十八守節六十一卒

鄒肇連妻郭氏尚書維經曾孫女年二十七守節六十五

卒俱新

按志例凡節婦現存而未旌者不登龍泉新志載現存若干名未據報明存否今概從逸

龍泉縣烈婦

宋

李某妻梁氏虔化令孝岳妹紹興三年寇彭友犯邑梁赴

水死見宋史

元

湯輝妻張氏天歷初兵掠刺刃死二女亦觸刃死通志

項惠可妻唐氏至正壬辰春紅巾寇亂惠可具舟遠避甫

及新林寇奄至唐見事急與其夫訣曰我良家子義不

受辱所恨惟老母在母曰女能取義我獨不能舍生乎

遂相繼赴水寇亦驚異倒戈相援不及舊志

明

諸生郭天寵妻康氏寵屢試不偶遂棄儒以策干虔撫授

把總以功陞萬安營守備會山寇劇授寵將軍總所轄

兵平寇某通判者轉餉不繼恐得罪誣寵於撫軍繫寵

榜掠久乃釋時訛言寵已斃康慟遂投水死屍流三十

里三日面如生奉詔旌其閭舊志

梁懋熙妻郭氏年十六歸熙生二子熙卒葬夫畢託其子

於翁遂自經死崇禎間旌縣志

項瑋妻彭氏舊志列名

國朝

鍾靈妻項氏順治初與夫避賊山中被劫氏厲聲拒之賊怒遂遇害靈亦一慟而死

彭之玠妾郭氏生一子尚幼丁亥四月玠被兵死氏抱其

子付正室鞠之赴池中死俱縣志彭郭氏通志列姓氏

張元鈿妻彭氏順治戊子山寇掠境氏將幼子付夫投水

死時年二十二雍正六年旌參通志

李賢臣妻張氏貢士子迢女順治戊子廣寇至被執氏誓之遂引領就刃廬陵太史歐陽齊為之傳

郭玠妻羅氏順治十年七月紅巾寇突至氏被擄伺隙奮

身墜潭賊怒環巖刺之身被數十創死知縣路安前以其事上給匾褒之

方朔妻李氏士琪女康熙甲寅九月寇亂氏竄匿白水洞見賊大掠度不得免遂抱幼女投巖死李貞泰有傳

周承銘妻胡氏維斗女康熙甲寅山寇之變氏與女俱被掠至桂東界橋頭氏度不得免脫簪珥付其女遂自縊死

曾國奇妻康氏康熙乙卯九月從夫入舟避兵遇寇奪舟

氏赴水死以上通志列姓氏

彭選元妻郭氏夫亡氏年十九葬夫畢即刎死墓前

李敬綱妻宋氏年十九夫死無子氏葬夫歸渡至中流奮

身躍江家人救援越數日仍自縊邑令曹復彬給匾獎之俱縣志

彭惟岑妻謝氏年十六歸岑岑卒遺孤尚幼舅姑使改適氏泣曰所未死者以此藐孤在耳遂斷一指自誓後以寇逼投河屍浮至彭姓江岸殯於夫岑塚

按謝氏通志作明代人

張元綱妻彭氏

通志列姓氏

彭嘉德妻郭氏因誣奸自縊事白乾隆四十年旌

新增

龍泉縣貞女

國朝

朱文重聘妻馮氏嘉玫女未婚而文重歿氏依母誓不改

適年六十四卒

縣志

龍泉縣烈女

宋

李氏字幸娘年十八紹定己丑南安寇犯邑被掠以刃加

項脅以隨行大罵為所殺

通志

國朝

東鄉女子姓氏未詳康熙戊子山寇掠龍泉有一女奔入

河賊赴河抱之上女挽之下遂同溺水數日後收女屍

猶若咬牙切齒狀

縣志

龍泉縣賢母

國朝

彭先琳妻朱氏萬安人尚素妹老姑甘旨皆氏手調以進

生二子長祖謙餼於庠

縣志

張仁濟妻謝氏乾隆二十年旌表貞壽

新增

鄒啓睿妻高氏乾隆二十三年旌表貞壽

縣志

萬安縣節婦

宋

張某妻吳氏年二十一夫亡守節家貧紡績教子成人郡

守上其事旌其門曰節義

元

蕭道甫妻羅氏二十孀居子彬五歲遭元季亂老依舅氏

後長孫觀死其妻亦斷髮自誓又孫女適郭節追祖母

知縣康彥民紀其事題其堂曰松筠

俱縣志

明

蕭邦道妻羅氏年二十夫卒家貧織紵撫孤存祀年九十

一卒洪武間旌

縣志

高孟恂妻郭氏年二十五喪夫幼知書辛勤課子守節五

十四年

王子彰妻郭氏夫亡子幼甘貧守節年踰七十卒

劉宗壽妻康氏年十八夫喪無子姑亦早孀誓與俱守

俱縣志

縣志

劉述宗妻周氏存與次女年二十四夫亡撫遺腹子咸淳

孀居四十餘年景泰六年旌

縣志

彭文彬妻葉氏年二十一夫歿勤女工以供衣食教子成人終年七十侍郎劉玉作誄

劉縉妻曾氏年二十四夫亡斷髮自誓勤儉紡績以事舅姑天順間旌

諸生張一儒妻朱氏大奎女儒得狂疾翁有兒誤朱氏之語氏聞以死自誓遂歸張門執婦道後疾卒氏年二十

七終事舅姑後依舅氏終老俱縣志

劉廣威妻周氏年二十三夫亡誓不易節事姑曾氏育子

述傳皆成立宏治間旌通志

蕭宜寬妻劉氏年二十夫亡堅志守節孝奉翁姑教子終身子亦以孝聞宏治初旌縣志

周某妻郭氏年二十四夫亡遺二孤家貧苦節王辰銘其

墓參通志

按周某邑志作周其冊作周淇又周家呈冊有周希生妻郭氏互載俟考

羅彥昭妻廖氏生子敏淵三歲夫卒氏誓守勉子成名終身不易志

彭雅譽妻謝氏 鄭某妻蕭氏遠慶女俱以節著直指使交獎之

陳氏雙節陳學斐妻劉氏弱年守節遺孤復早喪同媳謝氏織紝以撫幼孫人稱雙節

劉公魯妻郭氏年二十二夫喪家貧採苦草自食以粟米

奉姑事上歲給粟帛九十一乃卒俱縣志

蕭曰洪妻譚氏洪死譚勉訓二子才匡才冠皆早歲遊庠

嘉靖乙未旌參通志

郭珊繼妻劉氏年十九夫喪劉撫前妻子文偉成名年七十三卒

黎敬文妻黃氏孤居矢節撫孤仁爵嘉靖丙申知縣盧璘

申獎貞操

胡鑑妻朱氏年二十鑑歿矢節撫孤室無藩籬燃草達旦

恭肅端謹至九十餘乃卒俱縣志

周尚信妻陳氏夫亡撫孤存敏及娶又卒孫曰藻曰鐸曾

孫若元皆位至方伯氏年八十終翰林徐珵銘其墓參

通志

劉氏雙節景洪妻曾氏年二十四喪夫守節家貧勉子讀

父書與夫兄景遠妻葉氏同志

康惟端妻郭氏年二十七夫亡以孝經勉子訓以謹身節

用遇貧者以粟帛餉遺人交德之

張履安妻陳氏年二十二夫喪守節六十餘年時有白鶴

降於庭高鳴數十聲而去陳即孝子張顯母

劉仁妻陳氏年二十四夫死以舅姑老忍死奉養勉子義

方

胡大縉妻蕭氏婚方八月喪夫誓不他適以節終

郭茂紡妻羅氏年二十二郭以疾終羅守節至七十二卒

俱縣志

歐陽循瑚妻張氏夫死事翁姑以孝聞遺孤七歲口授書

史冢宰歐陽鐸撰貞母文通志

張瑚妻羅氏歸張三載夫卒茹苦守節以遺書督孤奉姑

如母年七十二卒

郭新妻龍氏新亡存孤翰龍氏書顏氏家訓朱子學箴於

壁教之年七十卒

郭貞永母劉氏早歲守節課子為諸生遇凶歲出粟濟貧

有司上聞獎額曰母節子義

郭開詔妻黃氏守節三十餘年勉子就學巡按使者行縣

獎以匾曰節勵霜清且給粟帛題其名於學舍

蕭由梧妻高氏生二子年二十一夫死撫二孤以存先祀

完節以終

謝在明妻郭氏年二十九夫喪課子子寀能荷父志鄉黨

以賢母稱之

彭立黯妻劉氏黯歿撫二孤事翁姑以孝聞年八十四卒

陳登松妻張氏早年喪夫誓節撫孤以終

何一慈妻曾氏侍郎暈孫女奉姑砥節二十年萬曆十八

年旌

某仁定妻李氏守節嚴苦迫催徵作詩上邑令令為蠲其

虛糧

劉謹齋妻王氏謹齋卒家貧王紡績以供舅姑勉子就學

守節終身

郭待寅妻康氏年二十孀居守節萬曆二十五年知縣於倫申獎年八十卒

劉斯實妻賴氏年二十二孀居勵志以孫劉汝翽貴膺封

巡按承芳衛表其門曰節壽名家

俱縣志

許門三節許崇妻朱氏嘉靖時崇任廣東翁源縣典史卒於官朱偕副室賴氏少年矢節姑彭氏亦早寡誓守婦

姑交勉郡守劉憲龍旌以一門三節

參通志

朱元飾妻黎氏喪夫守節百折不剉遺腹祖貴多病泣血

禱天塗人悲憫至八十二卒

陳由漢妻劉氏適陳五載生三子年二十三夫亡時值明

季世亂家貧苦節自廿年七十餘卒

俱縣志

曾友文妻賴氏年二十夫亡子敏二歲舅姑年老賴紡績

以養課子遊庠守節四十年旌表

參通志

何世迪妻匡氏年十五適何氏生子女二夫故家貧翁姑

且老氏事婦功奉養無失同知宋文旦旌以節勵松筠

按世迪邑志逸其名今據呈冊補

胡瑄母郭氏年十八夫歿氏課子以孝經歲時涕泗以勉

之巡撫秦獎曰栢舟遺烈學使者某旌曰節勁秋霜

劉黃郎妻賴氏年十六適劉甫十月夫亡撫遺孤躬自操

作事其姑

賴國華妻劉氏華以父歿哀毀成病卒氏守節終身

賴睿甫妻劉氏夫故砥節撫孤翁喪事姑尤謹

賴龍初妻温氏夫早喪氏誓節事姑兵革之餘勉子成業

節孝醇篤

曾推我妻劉氏年十九夫亡誓節撫孤以節壽終

劉名重妻郭氏二十居孀守節邑令上聞表其閭曰貞節

許某妻陳氏夫亡年二十餘守節勉子循禮法郡守旌以

懿德風世

劉咸延妻羅氏早歲夫喪事舅姑醇篤屢為巡按所獎年

六十六卒 俱縣志

劉應壽妻彭氏夫亡彭年十九以撫孤存祀為志事聞詔

給粟帛後復旌門 參通志

盧應鸚妻郭氏夫亡氏勤事女紅勵志存孤時姑亦孀居

郭奉之無稍間

郭元明妻蕭氏元明歿孤甫三歲甘貧守節數十年 俱縣志

陳乾妻王氏乾亡無子氏年二十以節自勵事聞建坊旌

之年六十八卒 參通志

温某妻郭氏年十八温亡氏勤事女紅奉姑砥節旌曰烈

著寒霜

按温某失其名縣册有温講妻郭氏附載俟考

周存與母李氏撫遺腹孤守節四十六年

王曼母郭氏守節訓子受封年六十卒

陳宗鑑妻劉氏年二十六守節撫孤六十二卒

會仲唯妻蕭氏守節撫二孤球琳俱成名

俱縣志

劉本達妻單氏年十九喪夫子理生三歲紡績為生勤儉

教子以終

參通志

賴魁恩妻羅氏年二十五喪夫守節六十四年

郭循矩妻蕭氏年二十一喪夫守節甘貧撫孤卒年五十

五

郭承業妻胡氏夫喪斷髮截指以死自誓年八十七卒

郭九思妻蕭氏年十九郭亡碎首矢節撫孤四代年八十

四卒

郭仁聲妻陳氏郭亡書死字於座側示志訓子廷正有成

年八十五卒

黎仁志妻彭氏夫以溺水死彭剪髮自勵閨門肅然

劉貢琛妻李氏年十九夫喪遺腹子寅李堅志撫之有奪

志者即以死拒

袁端寅妻郭氏痛夫死非命割耳刺目以斷見聞時有閨

中延雪草鏡裏見霜臺之句頌其貞烈

曾某妻溫氏夫疾割股以進夫尋驚悸死氏哭之痛絕而

復生年七十卒

按曾某失其名縣冊有曾鳴妻溫氏附載俟攷

羅宜元妻朱氏員外廷章女年十九夫亡命家僮舉巨石

鎮於前示志宏治辛酉寇至同婢倉皇奔歸母家至渡

舟或牽其手怒曰身可溺手不可辱遂舍舟涉水而渡

言安府志 卷五十八
年幾百歲卒事聞旌表

劉素和妻嚴氏泰和人歸劉未幾素和卒於京嚴聞信引佩刃自殺姑泣止之守節至八十終

劉一樞妻蕭氏年二十二夫喪甘貧守節巡按陳釭邑令盧璘俱匾獎貞節

歐陽佩妻康氏年二十五喪夫守節孝翁姑撫孤蘭年五十餘卒俱縣志

賴魁詠妻郭氏 賴時濟妻郭氏 賴學主妻鍾氏

周理妻劉氏 周尚禮妻李氏 郭良匠妻李氏

郭縉妻曾氏 孝子周希生妻郭氏俱新

國朝

曾之鵬妻賴氏年二十寡居撫夫兄子應陞奉夫祀年八

十三卒縣志

劉儒昊妻張氏年二十三歸昊三載夫亡守節撫二歲孤

良瑜領鄉舉康熙甲申夏穀貴氏減價分糶又每日煮

一飯一粥賑族隣貧乏者半月督學冀霖王思訓各旌

其節孝卒年七十三

增廣生劉溥妻郭氏年十九歸溥二十五夫亡守節事翁

姑盡禮教子大琇領鄉舉孫支蕃盛卒年七十一俱新

陳之韜妻何氏年二十七夫亡甘貧守節撫育二子年七

十二卒

燕異妻蕭氏年少夫亡孝事舅姑苦節教子俱縣志

言安府志

萬安節婦

三

郭玉達妻陳氏年二十一守志四十六載雍正二年旌參

通志

張洪望妻劉氏年二十二張亡子幼有利其產強以再醮者氏盡以所有分給族黨毀容操作與一老婢居茹荼訓子五十餘卒縣志

張善楫妻吳氏年二十二夫歿斷指誓守孝奉翁姑課子為諸生卒年六十雍正五年旌參通志

蕭洪妻張氏夫亡守節旌

歐陽瓚妻周氏夫亡守節旌

陳能縉妻賴氏夫亡守節旌

羅愈鉉妻蕭氏夫亡守節旌

賴育昌妻郭氏年二十餘孀居守節旌

蕭本宣妻郭氏兆先女年二十四夫亡子元浩甫三齡矢志守節孝奉二老事葬盡禮家貧課子力學苦節三十五年旌

劉紹蹈妻胡氏年二十七夫故撫孤苦節三十餘年乾隆二年旌

郭德彥妻賴氏年二十五夫卒撫四齡孤比長成室生一孫子媳俱逝復撫孫有成卒年八十一乾隆五年旌

劉明紀紀畧作明機妻賴氏建昌司訓召女年二十四而寡事

翁姑撫孤子守節三十八年乾隆九年旌

彭立珪妻郭氏陽生女年二十五珪亡矢節撫孤奉姑卒

年七十四乾隆十一年旌

蕭文達

照紀畧
改正

妻王氏彥士女年二十六而寡孝奉翁姑

課孤子為諸生卒年七十八乾隆十二年旌

蕭子奇妻劉氏年二十六子奇歿守節撫孤孝養老姑卒

年七十九乾隆十二年旌

廖台臣妻陳氏夫歿氏年二十四無子撫從子為後孝事

孀姑乾隆十二年旌

謝崇純妻郭氏年二十二夫亡矢志奉翁姑撫遺腹子成

立乾隆十二年旌

何宣枚妻謝氏年二十二枚歿孤永祐生甫七日家貧織

紵以供朝夕事孀姑孝養乾隆二十年旌

楊遇春妻魏氏年二十一夫亡孝事翁姑撫孤標清補諸

生督學金德瑛獎以貞節流芳卒年五十

張文選妻郭氏年二十四守節事病姑竭力撫孤成立巡

道富獎以節茂松筠卒年八十三

衷士豐妻劉氏士賢女年二十四豐卒矢志守節事翁姑

克孝撫二孤有成苦節三十八載旌

匡見儀妻蕭氏年二十八夫亡家貧氏剪髮毀容示志性

克孝躬春績以奉翁姑訓子世琮貢成均卒年九十一

乾隆二十九年旌

衷如昭妻郭氏年二十四夫亡矢志守節撫孤成立嫂氏

早亡遺二幼姪孤苦氏攜同居教養如己子卒年七十

六

許美琇妻盧氏年二十五而寡事雙親撫孤子備歷艱苦
外兄子甫生而孤氏抱歸撫養至十數歲始遣還卒年
六十三

諸生郭士垣妻張氏年十八歸士垣越四載而寡生子方
歲餘撫養成立婚娶子媳又相繼亡撫姪孫受祀為子
後卒年八十五

諸生溫繼選妻郭氏年十八歸選生子乘六二十三夫亡
事姑撫子卒年七十九

彭公御妻賴氏年二十二而寡甘貧守節氏兄諸生貞傳
嘉其志割田膳之族人亦於祠費中資其布粟養姑撫

孤益盡孝慈卒年八十

郭有志妻胡氏年二十寡居孝事姑撫二子成立卒年八
十六

郭信才妻陳氏年二十三夫亡日勤紡績養姑子亦成立
卒年八十

廖次序妻鍾氏年二十八夫亡教子和遜成名以儉勤起
家樂施予卒年八十四

賴崇遜妻高氏年十九生子元柱甫三月夫亡撫孤守節
事病姑尤竭力督學湯聘獎以壹閣幽光卒年八十三
匡帝冠妻蕭氏年二十六夫亡遺腹生子安貧守節日勤
織紵撫孤成立卒年七十二

陳氏雙節殿佐妻歐陽氏年二十四孀居撫孤純質娶媳
蕭氏生孫男二純質亡蕭年二十一姑媳教養二孫次
孫世傑補諸生姑卒年八十四媳卒年六十一

譚兆仁妻劉氏年十七歸兆仁三年未舉子即售奩資勸
夫納妾蕭氏生一子甫二歲兆仁亡時劉年二十二與
蕭氏矢志撫孤越三年蕭亡事姑鞠子艱苦備歷卒年
七十二

盧大秀妻張氏年二十五夫亡撫五歲孤廷詔成名孝事
翁姑督學張拜賡獎以貞操勁質卒年八十七

劉洪緒妻王氏北直通州人皂口巡檢雲鵬女年十七歸
洪緒十九生子甫一月夫亡氏剪髮納棺誓守撫孤事

姑孝謹父母家萬邑父歿售奩營葬迎養母十餘年孤
殤撫親支訓為嗣補諸生卒年六十一

郭玉遇妻羅氏年二十八寡居撫一歲孤國清長補諸生
督學張拜賡獎以松菊同芬卒年八十四

羅賓冕妻賴氏年二十一而寡食饘粥三載撫孤章樑成
立孝事雙親卒年六十二

劉宁幹妻賴氏年二十寡居家業中落養姑必備甘旨孤
幼多病保護成立卒年八十一

曾內彰妻賴氏年二十四守節姑老子幼孝慈兼盡年八
十卒

黃禎遠妻曾氏年二十二夫亡矢志撫孤卒年六十六

彭瑞五妻劉氏年二十二夫亡養姑撫孤卒年七十五
羅京禎妻方氏年十九而寡遺腹生子言則撫養成立孝
事雙親卒年六十五

郭定治妻李氏年十七歸定治三載生子是禎三月而夫
亡孝事翁姑義方教子卒年六十一

曾尚選妻鍾氏年二十五夫亡撫二孤成立事翁姑始終
盡禮卒年六十三

王世灼妻蕭氏年二十五孀居孝事翁姑慈撫二孤卒年
七十三

朱錫淳妻周氏年二十三夫亡遺一孤殤撫姪昌槿為嗣
復歿又撫姪昌隨嚴訓課得補諸生食餼氏家貧事翁

姑得歡心通四子書喜讀列女傳卒年八十二乾隆十
六年知府沈作朋匾以畫荻遺徽

胡盛朗妻匡氏年二十五夫亡日勤紡績甘旨奉親撫孤
成人卒年七十三

劉世燈妻郭氏年二十三甘貧守節撫孤養姑卒年六十
八

蕭昌楠妻郭氏年二十六夫亡矢節事翁姑始終盡禮撫
孤成立卒年五十八

劉廷鑑妻郭氏年二十夫亡守節撫孤卒年七十餘

蕭忠瑗妻劉氏受聘有歸期而忠瑗病篤氏無他志如期
歸不能成禮是夕忠瑗卒氏哀慟欲絕繼從子為嗣事

姑極孝姑歿後屏居一樓以老嫗為伴雖至親罕見其面現年八十具詳請旌俱新

萬安縣烈婦

元

縣西鄙有一女婦未詳姓名元季寇至龍潛江婦被逼給曰我棄子江流還為汝婦賊然之婦即抱子歌曰我生不辰遭此慘酷投之深淵以免污辱遂赴江死

明

諸生劉一春妻彭氏一春遇橫寇劫之彭願以身代得釋賊欲逼氏氏大罵遂遇害

楊廣蓋妻蕭氏年十八偕藍避兵同為所獲蕭罵賊不屈遂殺蕭氏廣藍死之

陳道妻蕭氏被擄越月義不為屈抱女赴水死
蕭必暄妻郭氏遇寇於道執之不辱引頸受戮

省祭周岐妻郭氏賊殺其夫身與俱死寇退林中得屍猶攜手遂合葬之

按周岐呈冊作文岐

郭常禮妻劉氏媳劉氏郭有詵妻值寇猝至懼為賊侮遂攜手赴深淵死

彭春妻郭氏遇賊大罵賊怒以刀斷其齒舉火焚之

劉欽秀妻蕭氏遇寇不辱寇以刃加其頸曰汝夫已為諸軍所困婦何節之可殉蕭厲聲曰死即死耳何多言遂

遇害俱通志

賴南叔妻蕭氏夫早喪無子遺一女寇大起築室與女共居盜突至率女持利刃遮門詈曰昔寧化曾氏婦立誓殺賊汝謂我刃不利耶犯我必殺汝賊怒縱火焚之二人咸燼明史

劉景達妻張氏遇寇欲污之唾罵不屈投崖死縣志列姓氏通

周賢佐妻胡氏名坤秀正德庚午兵亂氏出走賊追之急度不能免乃跌坐於地賊驅之起行曰不能行指與使乘之曰不能乘賊怒以刀斫之遂伏地而死

按邑志所載與通志互異今從通志

曾延登妻方氏正德庚午流寇執欲污之不屈而死時年

二十八新增

國朝

曾尊儒妻彭氏年二十餘生五子順治丙戌兵亂相攜出走彭獨棄哺乳之子取懷中佩刀自刎死

蕭必望妻劉氏同媳龔氏郭氏於順治己丑遇山寇舉火姑媳與親族諸婦三十餘人俱投火死其姓氏不可悉考族人蕭舜芬為賦貞烈詩志之

蕭湯顯妻曾氏己丑山寇蹂躪男女奔逐寇乘勝舉火氏度出者必辱遂以身投烈焰死

蕭文達妻嚴氏甫及笄舉二子順治己亥山寇橫掠須臾追寇至給賊金子遂投溪死達與羣賊格鬪被創亦死

蕭珩妻張氏順治間兵亂婦有隨兵者張詈之遂抗節死
蕭毅方妻張氏順治間遭山寇橫劫蕭攜妻子出奔張語
夫攜兒速避自投大叵塘死時年二十二

蕭法先妻張氏年三十夫卒未幾寇亂張被擄不肯行賊
抽刃脅之不動復以甘詞誘之張瞋目曰一刀了却何
多言奪賊刀自刺不獲遂被刃死俱縣志

按彭氏至張氏七人通志列名今補傳

萬安縣貞女

劉貞女廷鑑之女兄早失怙恃廷鑑娶郭氏生子亮而廷
鑑旋卒女不嫁與郭共矢貞撫孤卒年五十四新增

萬安縣烈女

明

張氏名貞姿成甫女正德庚午流寇至女年十八被逼即
奔赴直逕塘自沉死泰和羅欽順邑侍郎劉玉俱作詩
輓之歐陽鐸表以文參通志

國朝

郭氏名奇莊中書明徵孫女年十五丙戌春避亂南乾育
於姑氏家亂兵猝至被執抱柱抵死不屈遂遇害
諸生張之貞女丙戌為亂兵所逼女竄投塘中溺死俱縣志

許將愈聘妻鄧氏南康縣紫御女年十八未歸將愈卒氏
聞訃號泣即登樓自縊死康熙五十六年旌參通志

萬安縣賢母附賢婦

萬安縣烈女賢母三九

明

禮部儒士劉尚樞妻歐陽氏樞卒氏備歷艱苦訓孤成立

縣志

周文精妻郭氏適周十年不育遂出奩資置妾羅氏生子

賢挺甫四歲夫卒未幾羅氏亦卒氏撫遺孤年八十四

終邑紳朱衡銘其墓羅良作傳記之

通志

某理妻某氏生子昌期夫喪氏年二十五姑郭氏病危氏

剗股和藥以進姑病遂愈有司旌其門曰貞烈

縣志

永新縣節婦

宋

段鵠母顏氏孀居家範嚴肅人敬憚之

叅通志

明

江繼文妻劉氏年二十而寡撫孤守節子王琳成進士詔

旌其閭知州柯暹撰貞節碑

通志

顏禮妻劉氏年二十夫亡無子守節以終

劉攸妻龍氏年二十二而寡以節終旌

俱叅通志

劉陬妻湯氏陬歿氏年二十四守節旌

縣志

劉呷妻李氏知縣孔愚母年二十二守節旌

叅通志

高寰妻朱氏年二十六守節旌

縣志

賀備妻李氏年二十一守節旌

李宗輔

通志無字

妻歐陽氏年二十輔歿無子矢節依母族

族婦有寡者皆慕效其節至十數人

俱叅通志

劉稹妻楊氏稹為定之子卒楊年二十四守節

劉持妻陳氏廬陵人父儀為郡守過棠市以氏許劉持年

十八歸焉時持久痿痺氏竭力扶持越六歲持卒守志

後歸寧有勢家子欲委禽陳逆虞有他遂乘夜攜二婢

脫歸自是閉處一室年八十六卒

周嘉貽妻劉氏元卿妹年十九夫死臨窆慟哭以哀毀成

疾卒子垣舉於鄉當道旌其節

劉傳妻龍氏年二十夫亡守節

劉稠妻左氏教諭宏女夫亡無子年二十守志俱縣志

周禮妻劉氏年二十夫亡守節旌通志

龍洪妻吳氏夫亡年十七撫遺腹子守節以終

張綱妻湯氏年二十二夫亡誓守

彭概妻李氏 劉臣妻曠氏 史璣妻朱氏俱年二十餘

守節

周潘妻賀氏夫亡年十九守節孫嘉怡妻劉氏夫亡亦矢

志不渝御史劉陽為之傳俱縣志

賀符妻王氏夫亡年二十二通志作年十八苦節及見孫大亨登

鄉舉年八十一卒旌祭通志

周養清妻劉氏年二十一夫亡茹荼完節有司歲給布獎

之

賀誨妻王氏夫亡無子守節御史朱鴻謨有艱貧貞節之

獎

劉慶芳妻龍氏年二十四夫亡無子勵志守節

朱建妻譚氏 賀鑾妻吳氏 劉勤禮妻陳氏

彭溥妻賀氏 李湊妻尹氏俱年二十餘守節

龍瑞妻史氏年十九夫亡矢志守節旌

按史氏已被旌邑志誤入未旌二十三人內又一氏

復載今更正

張邦載妻尹氏年二十二撫孤士瓚成名守節三十年邑

令管正傳從祀譚貞烈祠

按永新舊祀八人得節婦而九劉光震撰配祀節婦

碑文

金長元妻賀氏年二十二守節子士駿以孝行著孫映登

舉於鄉

甯闢運妻賀氏年及笄孀守歷艱危不易其志

尹良佐妻史氏夫亡年二十五與妾江氏守節四十年

李欽嘉妻彭氏年二十二夫歿茹荼守節

湯詔妻楊氏年二十三夫亡甘貧完節以終

國朝

尹可定妻周氏年二十二孀居撫孤事姑以孝稱守節五

十五年

黃慶來妻朱氏年二十二生子六月而寡織紵撫孤守節

二十八載卒

曠峩佩妻周氏年十九夫歿無子執義自誓

陳審妻劉氏年二十二守節壽百歲卒

金目景妻劉氏夫亡守節一子尋歿與婢隨貞相從婢亦

終身不配 俱縣志

劉載謨妻戴氏 汪師旦妻尹氏 劉進甫妻王氏

史嘉良妻周氏 李日顯妻左氏 左錦四妻段氏

左鴻妻李氏 宋禮邦妻尹氏 盛學樂妻孫氏

左應家妻賀氏 賀世壽妻蕭氏 顏以明妻彭氏

汪孔時妻彭氏 蕭建謀妻李氏 俱舊志列名

按蕭建謀妻邑志姓尹未知孰是

龍大紱妻文氏 李士表妻王氏 湯汝退妻劉氏

龍庭學妻羅氏 曠秉和妻劉氏 郭鳴鳳妻劉氏

陳魁吾妻文氏 龍宏子妻王氏 尹志尚妻劉氏

徐敦贊妻龍氏 陳兆節妻李氏 劉友鳳妻尹氏

江化鯉妻宋氏 俱縣志列名

賀亦松妻龍氏松以苦學卒氏年二十八守節課三子俱

為諸生

劉應濂妻尹氏年二十七夫故無子立從子為嗣紡績自

給守節四十五載卒

尹中幹妻劉氏夫亡年二十二撫子成立守節四十五年

尹思涵妻陳氏夫歿氏年二十七守節教子有成事舅姑

以孝聞

賀純繼妻尹氏年二十八守節撫前子如已出所生二子

俱有成俱縣志

劉匡勳妻陳氏夫亡年十九苦節三十餘年雍正二年旌

通志作四年

湯籌妻賀氏幼讀書知大義年十九夫歿勤女紅課子暇

則聚服屬少女婦講內則列女宗黨有女師之稱雍正

二年旌

陳蟾枝妻耿氏夫卒氏年二十六撫教二孤長智言為諸

生以優行著雍正四年旌

龍永慶妻譚氏年二十六夫歿斷髮誓守撫孤卒年八十

六雍正四年旌

龍起範妻李氏年十九夫歿毀容嚼指竭力奉姑守節三

十餘年雍正四年旌

賀奏勲妻劉氏夫亡守節課子有成旌

龍協萬妻江氏年二十四堅志撫孤雍正六年旌

龍雲登妻左氏夫卒翁老子幼守節翁卒以簠金付氏

請以惠族戚貧者雍正間旌俱參通志

甘世琳妻尹氏夫死事翁姑撫孤子苦節三十餘年

劉士錫妻朱氏年二十九夫歿守節孝事舅姑雍正九年

旌

汪季山妻蕭氏夫亡氏年二十五撫孤事翁姑雍正十二

年旌

唐尚寶妻朱氏夫亡年二十五斷指誓志撫子成人苦節

四十年乾隆三年旌

田瑞龍妻張氏夫卒年二十撫孤守節二十八年

巴揚若妻賀氏夫亡誓守教子有成乾隆八年旌

汪振飛妻左氏年二十四夫卒翁年八十力供甘旨撫二

子有成守節四十八年乾隆八年旌

劉倪軒妻尹氏夫歿姑老子幼食貧苦節三十餘年乾隆

十年旌

嚴楚士妻尹氏堅志守節撫孤三十餘年乾隆十年旌

李季卿妻張氏年二十矢志撫孤奉翁姑守節終身

文邦衛妻劉氏夫歿年十七撫孤四十載乾隆十年崇仁

陳象樞為之傳

鄧士鼎妻王氏年二十三守節事翁姑撫孤有成乾隆十

年旌

左盤蔭妻彭氏年二十一夫故三世單傳氏矢志撫孤卒

祀譚烈婦祠

湯趙汴妻周氏夫亡無子撫從子為嗣守志終其身

尹文湄妻龍氏年二十四家貧撫孤守節三十七年

張世演妻鄧氏年二十二食貧守節撫子有成復以疾卒

同媳劉氏共守年九十餘卒

張維閭妻劉氏年二十四夫亡撫孤守節孝事孀姑數十

年

劉世達妻羅氏年十八世達卒紡績撫孤苦節終身

言安府志 卷五十八
曾尚俊妻劉氏年二十七誓志育孤勤女紅自給守節四十七年

李慶裕妻郭氏夫亡年二十四甘貧撫子守節四十一年
龍義則妻吳氏年二十六夫亡無子撫從子繼夫後事舅姑克孝守節三十五年

張子才妻龍氏夫亡年二十二守節四十三年
尹揆妻胡氏年二十二夫故無子撫從子為後苦貞三十七年

龍菁莪妻吳氏年二十三夫亡子幼氏奉姑守節以終
龍人瑞妻周氏夫亡年二十四撫遺腹孤守節三十年
段維新妻龍氏年二十三守志苦節三十年乾隆十三年

旌

盛竹偶妻周氏夫亡年二十二力貧奉姑守節四十五年
龍桂成妻戴氏年二十五守節撫孤奉舅姑苦節四十四年

左聞善妻劉氏年二十二守節撫孤孝事舅姑四十一年
黃雲龍妻劉氏年二十四守節課子閤舉於鄉為定遠令贈孀人

劉篤雋妻王氏安福人進士圖女弟年二十四夫卒勤苦撫孤苦節三十六年

戴雪如妻李氏夫歿氏勤操作事舅姑惟謹教子有成
李澣士妻周氏年十九無子守節撫姪繼嗣

睦國對妻李氏年二十二守節

段卿服妻胡氏年二十四守節俱歷三十四年

湯文陣妻甘氏年二十四夫亡守節四十四年督學沈翼

機旌以金石垂範

俱縣志

尹映巖妻蕭氏夫亡守節乾隆十六年旌

吳符妻劉氏年二十五夫亡撫孤成室生一子孤卒復撫

孫苦節三十餘年乾隆十八年旌

劉玉鑑妻朱氏年二十五夫卒無傳氏禿髮誓守卒年七

十

張維諒妻李氏年二十三夫亡斷指守孤婦供子職苦節

四十二年

史直卿妻張氏年二十三夫故斬指誓守姑病十餘載奉

養勿懈撫遺腹子實符成立乾隆二十一年旌

賀漢卓妻劉氏年二十一夫亡即毀容斬指誓撫遺孤姑

病侍奉不倦園有栢一株既枯復活人以為節孝所感

乾隆二十一年旌

劉垂壤妻歐陽氏夫亡守節乾隆二十二年旌

劉夔一妻李氏夫亡守節乾隆二十七年旌

彭卜靈妻左氏夫亡守節乾隆二十八年旌

賀德英妻尹氏 周宗濂妻顏氏俱青年守節乾隆二十

九年旌

劉天福妻左氏 龍光鎬妻史氏 會衍謨妻誥贈宜人

李氏俱青年守節乾隆三十六年旌俱新

周上蓬妻盛氏 吳任尊妻張氏俱青年守節乾隆三十

八年旌獎

王斐然詳冊作斐能妻龍氏青年守節乾隆三十八年旌獎

左國幹妻黃氏 左沛川妻尹氏俱青年守節乾隆三十

八年詳請旌獎

龍中嶽妻尹氏夫亡守節乾隆三十九年詳請旌獎

龍晟妻劉氏夫亡年二十六斷髮誓守砥節四十八年

左章五妻陳氏年十八生子四月夫卒氏斷一指示志苦

節五十八載俱縣志

劉雲崖妻龍氏年二十二守節孝事舅姑慈育二子一夕

有神物睨於側氏正色曰天地可質何懼汝遂隱不見

參舊志

按龍氏邑志失載

賀瑤草妻劉氏 劉受天妻張氏 尹蘿山妻段氏

賀家謨妻劉氏 劉垂芳妻朱氏 龍晁昇妻尹氏

段學呂妻汪氏 徐任儒妻龍氏 賀萬寶妻王氏

金俊發妻尹氏 張蓬妻唐氏 唐彥瞻妻王氏

劉觀榜妻王氏 周定岐妻龍氏 郭賚賓妻劉氏

吳甫妻劉氏 陳殿任妻段氏 陳禹建妻龍氏

劉之鰲妻林氏 金士健妻吳氏 胡宗元妻左氏

周藜生妻劉氏 周軒妻蕭氏 唐繼湛妻劉氏

史樹山妻賀氏 蔣文彬妻朱氏 文定邦妻尹氏

尹映巖妻蕭氏 史留青妻李氏 金克賢妻劉氏

朱錦奪妻陳氏 劉國清妻彭氏 劉若能妻曠氏

劉符六妻龍氏 劉文德妻龍氏 周軼塵妻劉氏

胡儲照妻周氏 曠梁妻龍氏 尹長沂妻劉氏

唐濟川妻李氏 左步鄒妻王氏 周嘉議妻蕭氏

洪岐山妻汪氏 郭定燕妻羅氏 羅鳴盛妻賀氏

張宗易妻歐氏 文僕倫妻馬氏 王元音妻吳氏

田賀瑚妻左氏 賀虞直妻劉氏 左化龍妻李氏

左士友妻朱氏 汪法尼妻龍氏 梁映千妻龍氏

曾穀容妻左氏 左學在妻劉氏 劉成章妻周氏

吳履貞妻左氏 賀文煥妻李氏 尹修敬妻周氏

左漢倣妻湯氏 尹文炳妻歐氏 歐循耳妻朱氏

張宗聖妻史氏 文鼎黃妻謝氏 劉方聖妻陳氏

王世述妻劉氏 尹蔚妻田氏 劉眉介妻賀氏

劉觀璨妻左氏 汪宏猷妻賀氏 許廷簡妻蕭氏

曾聯桂妻賀氏 江孔殷妻楊氏 段之滾妻尹氏

龍士選妻陳氏 賀仲方妻張氏 王藹士妻劉氏

江應景妻劉氏 劉斌生妻賀氏 陳邦蔡妻譚氏

尹是誠妻龍氏 左粹安妻劉氏 劉映川妻李氏

李至麟妻周氏 劉長千妻王氏 文士趣妻周氏

李得三妻郭氏 劉登皇妻段氏 李照偶妻龍氏

歐陽曉妻周氏 賀星樞妻羅氏 張宏弼妻龍氏

按劉氏以下九十四人俱守節三十四年仍邑志列

名

劉長遜妻胡氏年二十四守節撫孤成立卒年七十五

武舉左堂繼妻劉氏年二十六夫亡以頭觸地血濺夫棺

幾死後撫三孤成室卒年六十九

歐陽蔚選妻湯氏年二十四而寡敬養翁姑育孤有成卒

年六十三

吳秀林妻周氏都司僉猷曾孫女年二十四夫亡斷指誓

守孝事雙親撫孤堂長補諸生卒年四十八

龍西彰妻周氏年二十四寡居翁姑相繼卒氏不以貧困

廢禮撫二孤成立卒年七十五

賀提九妻劉氏年二十三守節撫孤日勤紡績以養舅姑

卒年五十六

顏淡章妻汪氏年二十孀居事親盡禮撫孤成立卒年六

十

李聯登妻曾氏年十八夫亡撫孤事姑卒年四十四

陳實堅妻羅氏年二十三守節養姑鞠孤備歷艱辛卒年

七十二

賀書儒妻周氏年十八夫亡無子撫繼承祧事翁姑盡禮

卒年六十三

諸生陳王轍妻周氏年十七守節事翁姑竭力撫姪德彰

為嗣卒年五十七

尹安庶繼妻李氏幼慧讀書識字過目不忘年十八受聘訂歸期父母聞安庶病欲緩之氏曰我已字義無可辭遂如期歸侍安庶病革語氏曰爾猶處女可自為計氏曰我不以病愆期者為君與幼子耳安庶歿剪髮納棺誓守撫前妻子寅君成室卒年五十二

劉極妻湯氏年二十三夫亡守節事姑撫孤卒年六十餘陳挾士妻劉氏年二十六守節勤紡績育孤娶媳生孫數月而孤夭數年媳又亡氏復撫孫成立卒年九十一尹朝珽妻劉氏年二十二夫亡毀容誓守撫姪文星為嗣甘苦茹淡卒年六十

俱新志增

永新縣烈婦

南唐

段某妻吳媛唐史臣兢之後歸段某生子未晬而段卒有以子少諷之者媛引釵刺目示志

參府志

按通志吳媛浚儀人父志野義不仕梁南遊於吳家廬陵應入廬陵列女內舊志載永新或以婦從夫編入永新歟互見備攷

宋

譚某妻趙氏宋宗室女元至元十四年兵破城趙抱嬰兒隨舅姑匿邑校中被獲殺其舅姑欲污趙大罵願從舅姑死遂與兒同遇害血漬禮殿八磚間為婦人抱嬰兒

狀歷久凜然有生氣或磨以沙石終不滅燬以熾炭狀
益顯如新事聞詔立貞烈祠

函史

元

彭九萬妻李氏永新人至正壬辰紅巾寇永新省掾陳允
中率官民堅守辟九萬行軍鎮撫寇方競時九萬馳馬
白上官嚴設方畧李氏促具食餉軍士氣倍增戰大捷
寇退居民安堵明年十月湖北五溪苗獠詭辭助順突
入城焚廬舍掠民財倉皇奔竄死者相藉李氏及其子
友諒女秀瑛俱被執驅之行不從脅以白刃不動賊問
所求罵曰狗彘吾死吾節斯已矣何求遂母子皆遇害

採周震
書事補

左幼白

林志作
左白

妻龍氏年十九幼白為江西廣洋庫使從

元兵攻廣海卒於軍龍迎柩歸葬削髮誓不他適嘗折
榴置靈案瓶中旬日枯卉復生因植之庭翰林承旨歐
陽元為大書榴萱匾其堂楯

危元貞妻李氏年二十元貞卒李哀泣幾毀家人欲逼嫁
之李引刀將自殺乃止

俱通
志

明

李楊妻劉氏年二十夫亡無子其兄受人聘將強之嫁劉

自縊死旌

泰通
志

賀之熹妻龍氏年二十一而寡撫孤守節姑以年少令改
適遂投江死

通志

按龍氏邑志失載

譚小相妻董氏氏攜幼子從夫避亂遇賊脅之以子授夫去遂披髮罵賊遇害

周九貢妻劉氏山陰令廷棟孫女歸周七日獻賊至姑避賊登輿先往氏被賊執大罵不屈賊怒刀刃亂下遂死劉同升有詩弔之

按周九貢妻與通志周長清妻氏同事同而長清邑志不載又通志總列姓氏內復有周九貢註云俱先後死難豈九貢長清即一人歟附識俟攷

尹希重妻戴氏年二十四夫亡氏碎石香爐示志都御史劉敷饋金帛旌之

廩生張楷妻顧氏夫卒顧年二十毀容自守俱縣志

李命妻顏氏夫以力學卒氏守志撫子十餘年子病死顏一號而絕卒年三十六通志

金瑞生妻賀氏癸未張寇亂瑞生攜妻子出避行至渡頭氏速夫抱兒走躍入深潭死縣令黃旌以節映寒潭

鄉舉周振元妻劉氏癸未寇逼氏抗節不辱被刃而死按周振元妻舊志通志俱作陳氏未知孰是

姚一鼎妻劉氏崇禎癸未冬獻賊肆掠氏被執抗節不污剖腹而死事上旌表劉作標為之傳

左興國妻朱氏獻賊入境朱被執有僕汝念請以身代賊斷奴頭以脅朱厲聲大罵遂刺於腹復截其舌事聞

廟祀茅坪死

所賀氏以下姓氏俱見通志

劉廷棟妻朱氏

湯家渡官田兩室女

袍陂樟楓新田

三義婢

雄虎灘一舟十婦皆一時抗節

劉石樑妻朱氏

劉守臯妻歐陽氏

唐濬中妻劉氏

龍刪易妻蕭氏

汪文龍妻譚氏

歐陽氏以下姓氏見通志

按朱氏以下俱先後死難舊志無傳仍照列名又汪

文龍通志作龍文

國朝

尹生俊妻王氏丙戌寇至王被執脅之不辱斫其顱三日

復甦

朱海清妻劉氏朱挾妻周氏順治丙戌傳盧白兵入境二

婦挈子翰偕僕載舟避之渡河羣騎趨至遂藏翰舟中

並躍入水死僕婦謝氏文氏郭氏王氏與王女夷妹感

主節亦同時殉難

姓氏見通志

劉濟滂妻尹氏順治間夫婦避亂為賊所執殺其夫劫尹

行比渡江躍淺水不得溺賊挽之起大罵遂遇害家人

得其屍祔濟滂葬同里劉作楫為長歌表之

姓氏見通志

左大器妻顏氏丙戌冬大器為逆寇執去脫歸夫婦走避

山谷賊突至氏赴水死次日求屍猶植立水中不仆

湯宏繼妻劉氏順治間山寇劉冕逼汚不從投水死

俱新增

劉子顥妻賀氏己丑氏被騎兵執去大罵求死牽至洋埠

赴水死

王氏以下姓氏見通志

湯堯臣妻王氏安福人年二十遇兵恐污投水死

按湯堯臣永新人各志因王氏均載入安福今改正
樊紹聖妻賀氏順治間土寇竊發氏與樊俱被執給賊釋
夫遂罵賊冒死建坊旌表

盛彞則妻吳氏以夫輸運受累拘氏到官借宿張寡婦宅
有營弁袁毛素與張通夜亦挾姦吳拒之甚遂殺吳埋
其屍事詳邑志

賀穉圭妻劉氏年十八夫亡無嗣以翁姑年老忍死代子
職時值亂離常懷必誓以死完節

楊枝芳妻葛氏成都副將立成女其翁嘉珍亦舊任成都
副將葛十六歸楊生子文燮芳隨征滇南卒於黔葛攜

幼子扶柩歸課子為諸生未幾文燮卒氏以撫孤無成
勺漿不入半月仰天長吁而逝年四十有八俱縣志

唐士光妻朱氏年二十三夫亡子幼家貧紡績度日康熙
戊午草寇張和尚入境朱被執給賊縱子去延頸向賊

遂冒死

賀近仁妻劉氏夫卒氏年二十三以泚緝營食養姑及夫
幼弟姑叔繼亡一孤復卒氏引帶自經鄰媪急救奄奄
就死

龍彌六妻左氏夫歿氏年二十三子復歿遂投繯殉俱縣志

尹朝任妻劉氏年二十一適朝任甫兩月朝任卒氏侍服
四十九日投繯以殉祀節孝祠通志

永新縣烈女

國朝

湯葉娘招賢孫女年十三母許嫁匪人女耻辱宗又重逆親命夜縊死面赤如生黎士宏題曰湯烈女之墓

周氏禹靜女許聘庠生蕭起繡守制未婚而卒氏聞訃不

食死

俱縣志

永新縣賢母

明

織屨母永新東陽庄人癸未秋張賊破湖南燒李尚書宅李公子竄匿東陽庄人無知者偶見曝故衣聲聞稍彰是歲十月賊蹂永新姦民引賊劫公子貲鉅萬釵環鈿

珥遺落榛莽者人多拾之有織屨人徐佃者於路隅獲

徑寸明珠二顆是夜茅舍爛然佃喜告母曰兒獲李公

子夜光珠價逾千金將舍織屨買田宅矣母大怒謂汝

織屨乃不安貧賤哉汝家業屢五世矣飽於屨醉於屨

而隸卒不入汝門是以能久安而至於汝今也不幸干

金之珠震耀耳目一卒入山縛汝為盜欲望織屨時一

醉一飽不可得尚望田宅乎急索二珠召四隣取大石

碎之燬以猛火且燬且詈既而官兵恢永新李公子訟

於轅門捕治引賊奸民及拾賊遺貲者皆指為賊悉論

死惟徐佃以燬珠倖全

采賀子激書

按傳內李尚書未詳其名

永新縣賢婦 附壽婦才女

國朝

龍舊志作張驥妻潘氏驥能文尤長詩畫忽病危氏刲股救之

延六年乃卒

劉志昆妻陳氏夫病刲股和藥以進病愈

龍方永妻張氏夫病禱於天請以身代病遂愈

洪三英妻尹氏英年三十餘尚無子氏力勸娶妾生三子

英卒尹力持家政撫諸孤成立 俱縣志

孝子陳試元妻穰氏年一百歲乾隆三十一年旌 新增

龍有珠妻賀氏名桂字秋安號竹隱居士昌女幼聰慧

善記父官滌積書甚富桂懷鉛握槧居然有儒者風歸

有珠珠任攸縣令勲內政卓有賢操後偕隱龍溪架樓

曰竹隱吟咏其間著有竹隱樓詩草子科寶領鄉薦 縣志

永寧縣節婦

明

陳諫妻謝氏年二十諫卒遺孤明德方一歲姑憐其少令

婢諷改適謝曰改適何以見夫於地下遂守節終身撫

訓明德為邑諸生

劉秉梧妻謝氏年二十二夫卒子幼家貧氏矢志守節織

紵撫孤四十年邑令張應徵請旌

廩生周朝賓妻謝氏朝賓卒氏年二十四守節撫訓三孤

長文郁補弟子員邑令陸旌匾天壽慈節 俱縣志

蕭堯煌通志妻陳氏年十九生子舜日踰兩月夫卒矢志

撫孤訓兩孫俱為諸生年七十侍郎李陳玉為讚表之

參通志

謝仲吉妻龍氏應霆女生有異兆年三十夫逝以紡績課

孤為生一日有虎突至機前氏織如常諭以速退竟搖

尾去丁巳避寇周家山是夜虎復咆哮蓬側若迫之使

遷及晨遷不踰時寇大至子鷺洲成進士通判松江封

安人年百有二歲督學王式穀贈以名門壽母之額縣志

國朝

謝上譽妻康氏年二十五守節孫曾俱膺貢選卒年九十

一康熙四十三年旌參通志

諸生謝天申妻龍氏年二十六夫亡與妾張氏同時守節

張氏年二十八撫六月孤值明季亂離卒育孤有成訓

孫為邑諸生年至九十乾隆十二年旌

按龍氏傳縣志另列於後今合入張氏傳內

劉栢珠妻何氏年二十七夫歿撫孤有室生一子孤卒乳

下孫又殤撫從子欽為夫後守節四十餘年

靳尚幼妻左氏 謝遇颶妻蕭氏俱青年守志以節終

尹丹桂妻龍氏 謝作翰妻劉氏 尹聘莘妻雷氏

謝鼎聘妻劉氏 謝鼎命妻蕭氏俱青年守節旌俱縣志

諸生尹樂聖妻鄔氏年二十九夫亡無子撫姪為嗣孝事

雙親卒年六十四新增

陳恪妻顏氏

尹一相妻龍氏

謝大常妻曾氏

劉錫袍妻李氏

張雲宗妻謝氏

尹國印妻鍾氏

段賢星妻唐氏

陳獅石妻蕭氏

陳鴻飛妻謝氏

謝如玉妻龍氏

劉升第妻謝氏

謝作霖妻唐氏

尹登甲妻謝氏

尹我富妻蕭氏

袁達三妻周氏

蕭協正妻謝氏

謝玉琦妻劉氏

陳雅順妻李氏

尹廷英妻劉氏

段希瑤妻劉氏

蕭英邦妻尹氏

蕭善良妻謝氏

羅小韓妻王氏

謝天寬妻尹氏

謝作民妻劉氏

李殿先妻龍氏

張甘澍妻曾氏

謝質文妻劉氏

劉字山妻陳氏

尹我錫妻劉氏

尹顯孫妻劉氏

謝蘇五妻劉氏

謝捷斐妻羅氏

謝喬士妻張氏

謝雄飛妻張氏

謝昌達妻羅氏

龍之雯妻陳氏

唐超先妻陳氏

謝述聖妻龍氏

謝德駒妻劉氏

靳堯章妻謝氏

謝某妻蕭氏

袁彥興妻趙氏

王奎光妻謝氏

謝冠羣妻劉氏

尹石清妻李氏

張殿選妻尹氏

陳涵泰妻謝氏

謝吉開妻朱氏

俱縣志列名

永寧縣烈婦

明

謝應棟妻龍氏年二十守節嘉靖壬寅賊劫其家龍被執

以刃脅之罵曰寧殺我不受汝辱賊異而釋之

張樞妻楊氏年二十五夫病甚姑語之曰汝有刑尅氏乃

投豈與幼兒永訣曰汝當學善遂自經不旬日而夫病愈俱參通志

國朝

龍友駮妻譚氏順治九年夏寇亂氏被執厲聲罵賊遂刃死旌

尹行素妻謝氏山居遇寇不辱罵賊被刃而死俱縣志

謝帝選妻李氏康熙丁巳賊放火肆掠氏被執不屈賊怒衆刃交下幾斃初帝選亦被執放歸見李血流倒地踰時方甦越月無藥而愈旌

按李氏通志列名無傳

永寧縣貞女

明

劉某聘妻張氏蓮秀劉商四川卒氏年二十一所親欲令改字氏以死拒織紵度日年六十餘勤勞不輟

蕭君蘭聘妻彭氏黎秀未婚蘭商滇南卒氏聞信衰麻三年孝事父母紡績以給年六十五終

尹氏雪姑弟邦憲三歲失父十歲無母氏年二十未字矢志撫弟卒為尹氏存祀貞而兼孝

周氏嫦秀因失怙母老立志不嫁備盡色養以處子終其身俱縣志

國朝

唐裕珠聘妻謝氏妙英年十五聞裕珠亡即不與喜慶事

年二十三母謀改字女堅持不可母歿女哀毀致病越
二歲卒年五十二

新增

永寧縣壽婦

謝學揚妻鄒氏生嘉靖壬子卒順治癸巳年一百二歲傳
家惟儉積德好施

張興騶妻謝氏柔順溫恭年百歲督學趙旌以瑞協坤儀

俱縣志

蓮花廳節婦

國朝

楊曠斂妻陳氏斂遊黔卒氏二十四無子氏經營扶櫬歸
里孝奉老翁服事祖姑尤謹卒年六十九乾隆八年旌

劉旋吉妻彭氏年二十三夫亡奉老撫孤力持家計乾隆
十四年旌

王廷對妻賀氏年二十四夫卒無子立從子為後始終一
節乾隆十五年旌

朱嗣震妻賀氏年二十夫亡事舅姑撫遺腹子有成守節
四十餘年乾隆十八年旌

賀狂書妻彭氏年二十五夫亡誓守奉姑訓子三十年乾
隆十八年旌

俱廳志

顏生春妻金氏夫亡守節五十五年乾隆三十八年旌
郭輝尊妻朱氏年二十三夫亡守節三十七載乾隆三十
八年旌

段如璘妻譚氏年二十二夫亡守節三十餘載乾隆三十

八年旌俱新

按廳志所載元明及國朝雍正以前列女已分見

安福永新茲不復編

周德妻朱氏年二十五夫亡守節撫子炳正訓以義方年

六十五卒

陳日安妻楊氏年二十二日安歿矢志守節翁病刲股以

進年八十二終俱廳志

劉雲上妻彭氏年十八守節卒年五十

甯邦佩妻譚氏年十九守節卒年五十

劉問益妻馮氏年二十一守節卒年八十一撫孤養姑紡

績維勤

劉應廉妻李氏年二十八守節卒年八十

劉敬持妻李氏年二十三撫育三孤卒年六十五

李漢雲妻楊氏年二十四守節八十三卒

劉渭濱妻彭氏年二十八守節撫孤事姑年七十五卒

李承慶妻曾氏年二十五守節撫孤有成六十二歲卒

王英略妻朱氏年二十守節卒年七十四

嚴二柳妻朱氏年十八夫亡撫遺腹子成人年七十二卒

甘吾芹妻王氏年二十二夫亡矢志有勸再嫁者斬二指

以誓年七十二卒

嚴蒼鵬妻楊氏年二十六守節撫孤五十六卒

李斯朝妻周氏年二十三守節事姑以孝聞卒年五十
劉又漣妻范氏年二十三夫亡守節養姑卒年七十二同
知黃增歷給匾以獎

王引恬妻龍氏年二十五夫亡守節撫孤年八十六卒

謝亦卞妻王氏年二十五夫亡守節年五十九卒

俱新
增

蓮花廳孝婦

左咏章妻李氏年二十三守節現年六十八歲撫姪為後

姑病刲股救愈

新增

蓮花廳貞女

國朝

趙明珠聘妻王氏善則女年十四未婚明珠卒訃聞易編

衣臨喪嚙指毀容守志日勤織紝以奉翁姑年八十四
終

劉水清聘妻郭氏女未婚水清客蜀卒訃聞屢以死殉矢
志歷四十餘年

劉汲聘妻賀氏慶肅女未婚而汲歿聞訃易縞歸劉守節
年五十二卒

郭儒元聘妻周氏女未婚儒元卒易服詣郭立從子為後
子受室復天氏亦一號而卒年四十五

彭文炳聘妻賀氏壽伯女炳卒縞服歸彭奉翁姑以孝聞
同知程光鄂榜其門曰節凌青松

嚴紹祖聘妻劉氏朝丹女幼失怙恃依祖母撫養未婚紹

祖歿聞訃誓守鍵戶課女紅以所蓄奉考妣主入祠繼
堂弟承父祧後歸嚴立從子嗣奉姑終老

劉能友聘妻李氏女未婚能友客蜀卒訃至誓不易志勤
十指以給朝夕年五十七終

俱廳志

賀驪珠聘妻朱氏親姑生紅女未婚而珠歿誓不改聘撫
弟錫榮婚教有成乾隆三十年旌

顏氏女光姑漢惠女年十五雙親俱逝誓不適人撫弟成
立現年五十二貞操如玉

俱新
增

卷五十八終

